

魯山縣志卷九

原任山東博山縣知縣偃師武億

同纂

魯山縣知縣餘杭董作棟

地理志

古蹟

太和城

水經注引張衡南都賦曰奉先帝而追孝立唐祠於堯山堯山在太和城東北澠水出焉

案方輿紀要伊陽縣太和山在縣西南汝水逕其下山有太谷北魏置太和城是也又宋之間歇馬嶺詩太和亦崔嵬石扇橫閃條蓋亦指此城

蠻城

水經注滢水又與波水合馬融廣成頌曰浸以波滢其水  
又南逕蠻城下蓋蠻別邑也俗謂之麻城非也

大團城小團城

方輿紀要大孟山在縣西南七十里西接盧氏縣界山頂  
並察四關若城俗呼爲大團城小團城山

魯陽縣故城

水經注滢水又東逕魯陽縣故城南城卽劉累之故邑也  
有魯山縣居其陽故因名焉

案今縣西三十里地名邱公城卽其地兩漢魯陽縣治並  
因之

魯陽城

水經注澠水又東北合牛蘭水水發縣北牛蘭山東南逕魯陽城東

方輿紀要魯陽城今縣治南戰國時楚邑史記魏武侯十六年伐楚取魯陽漢置縣後漢初平初關東諸將討董卓袁術屯魯陽旣而孫堅與術合軍二年堅敗卓兵至雒陽還屯魯陽自是常爲戰守處後魏太和二十年廣州刺史薛法護降于齊時州治魯陽也二十三年魏主之喪自宛北還太子恪至魯陽與長會乃卽位其後東西魏相爭魯陽尤爲重地

案此卽今縣治元魏時廣州刺史及魯陽郡治皆其地西

北興國寺遙漫垣基若園城南俗呼望城岡當爲舊治址

魯陽故子城

太平寰宇記琴臺在縣故子城東南墻上

案今城北郭琴臺書院由東迤沿而北又折而西南岡阜隱伏綿亘曲迴卽子城遺址也地師誤爲龍脉可用此以折其妄

魯山北城

全唐詩蕭穎士重陽日陪元魯山德秀登北城矚對新霽因以贈別

時元兄屢有掛冠之意

山縣遶古堞悠悠快登望雨餘秋

天高目盡無隱狀綿連滄川迴杳渺鷗路深彭澤興不淺

臨風動歸心，賴茲琴臺暇。傲睨傾菊酒，人和歲已登。從政復何有，遠山十里碧。一道循長雲，青霞半落日。混合疑曠曠，曠漸聞驚棲。羽坐嘆清夜，月中歡恰有。違行子，念明發。僅能泯寵辱，未免傷別離。江湖不可忘，風雨勞相思。明時當盛才，短技安所設。何日謝百里，從君漢之還。

案魯山北城卽太平寰宇記稱琴臺在魯陽故子城東南墻上者蓋指子城周迴紆折綿延舊址在唐尙未盡廢敗故詩云山縣遠古堞以目驗知之也。今惟少存坡陀他無可識矣。徐志九日陪元魯山登北城留別據全唐詩九日作重陽魯山下。參德秀二字北城下多囑對新霽字留別作贈別又多因以字及本註詩內山縣留古堞留作遠。

綿澧水迴水作川人知歲已登知作和混合疑暗曠晴  
晴短技安所試試作設今並改正

三雅路

太平寰宇記三雅路在縣西南七十里接鄧州南陽縣界

魯城

元和郡縣志魯城在縣東北十七里高齊置以禦周

通典魯山漢魯陽縣高齊於縣東北十七里置魯城以禦

周

太平寰宇記高齊於縣東北十七里置改爲魯城

赤城

方輿紀要赤城在縣東北三十里或曰漢赤泉城也高祖

封楊喜爲赤泉侯蓋邑於此志云劉裕伐姚秦時築以屯兵今爲赤城村

河南通志赤城在魯山縣東十八里世傳劉聚屯兵於此所築址尙存

案劉聚爲劉裕之訛傳刻誤也十一里亦非當作二十餘里

### 應城

水經注澧水東逕應城南故應鄉也應侯之國詩所謂應侯順德者也澧水又左合橋水水出魯陽縣北特山東南逕應山北又南逕應城西地理志故父城縣之應鄉也周武王封其弟爲侯國應劭曰韓詩外傳稱周成王與弟

以桐葉爲圭曰吾以封汝周公曰天子無戲言王乃應而封故曰應侯鄉亦曰應鄉按呂氏春秋云成王以桐葉爲圭封叔虞非應侯也汲郡古文殷時已有應國非成王矣戰國范雎所封邑也謂之應水

太平寰宇記故應城左氏邗晉應韓武之穆也注應國在襄城城父縣西南也韓詩外傳周城王與弟戲以桐葉爲珪吾以此封汝周公曰天子無戲言王應時而封曰應侯今應鄉卽此城也

方輿紀要應城在縣東三十里古應國左傳邗晉應韓武之穆也史記穆惠王六年與秦會慮襄王十一年復與秦武王會于應又客謂周最以應爲秦王太后養地秦昭王



時范睢封于此曰應侯續漢志父城縣西南有應鄉後魏  
太和中置山北縣于此屬魯陽郡

按史記魏世家襄王六年與秦會應原本訛作惠王應訛  
作慮

明史藁地理志汝州魯山東有故應城

案今應城在寶豐縣此地未經分置寶豐時自屬魯山仍  
依傳記摭錄存之

魯陽關城

路史國名紀引九域志魯陽關城

平高城

元和郡縣志魯陽關水俗謂之三鴟水經縣西七里其

三鷓鎮在縣西南十九里後周置以禦高齊亦各平高  
杜佑通典魯山漢魯陽縣後周置三鷓鎮在縣西南十九  
里亦各平高城以禦齊

太平寰宇記平臯故城後周於此置三雅鎮在縣西南十  
九里亦曰平臯城以禦寇後高齊又移於縣東北十七里  
置改爲魯城以禦後周二城皆此邑地也

方輿紀要平高城在州西南十九里杜佑曰宇文周築此  
以備齊又置三鷓鎮爲戍守重地亦曰平臯城城當三鷓  
之口韋孝寬謂廣州義旅出自三鷓指此城

明史藁地理志魯山縣西南有平高城

平高城

河南通志王莽城在魯山縣城西南十八里王莽追  
武至此築城

光武城

河南通志光武城在魯山縣城西南十八里光武爲莽所  
逼築城拒之與莽城遙對

徐志俗傳光武王莽墓不知所據

犇縣故城

水經注滎水又東逕犇縣故城北左傳昭公元年冬楚公  
子圍使伯州犇城犇是也

通典魯山漢魯陽縣有漢犇縣故城在今縣東南

太平寰宇記犇故城漢縣也在今縣東南存焉

明史藁地里志汝州縣 山縣東南有廢犇城縣

方輿紀要犇城縣東南五十里春秋時楚邑昭元年楚公子圍使伯州犁城犇又史記沛公與秦南陽守莊乾戰于犇東漢置犇縣屬南陽郡建武初遣岑彭擊荊州羣賊下犇葉等十餘城晉仍爲犇縣屬南陽國後魏改爲翼陽縣屬襄城郡西魏爲雒陽縣後周又置武山郡于此隋初卽廢開皇十八年改爲湛水縣屬伊州大業初復曰犇城縣屬襄城郡唐初廢又河 山城在犇城東南後魏太和二十一年置河山縣屬魯陽郡隋大業初省入犇城寰宇記云今葉縣境之河山保是也

古遶角城

通典魯山有古遶角城在縣東南

太平寰宇記魯山遶角城在今縣東南左氏謂晉師遇于遶角卽此也

方輿紀要遶角城在縣東南春秋時鄭地左傳成公六年楚伐鄭晉救鄭與楚師遇於遶角郡縣志魯山縣有遶角城

春秋地名考遶角城成公六年晉欒書救鄭于楚師遇於遶角杜注鄭地

### 汝南城

方輿紀要汝南城在縣東南後魏永安初置汝南郡治符壘縣兼領汝南一縣後齊廢郡又以符壘縣并入汝南

魯山縣志卷九  
仍曰汝南縣屬伊州隋初廢魯陽在縣東滄水之陽或曰  
王世充所置唐初置魯州滄陽縣屬焉貞觀初廢

### 魯陽關

水經注滄水內載魯陽關水南流逕魯陽關左右連山插  
漢秀木干雲是以張景陽詩云朝登魯陽關岐路峭且深  
亦司馬芝與母遇賊處也

文選注引庾仲雍荊州記曰其北有四關魯陽伊闕之屬  
也

隋書地理志襄城郡魯大業初州廢有關官

元和郡縣志魯陽關其關三鷄鎮在縣西南十九里

通典魯山漢魯陽縣今有魯陽關

太平寰宇記魯陽關淮南子云魯陽公與韓戰酣日暮遂  
戈而撝之日爲之反三舍卽此地也漢改爲關曰魯陽

新唐書地理志魯山有漢故關

明史藝地里志魯陽關在縣西南與南召縣界亦曰鴉路  
鎮

案三國志司馬芝傳司馬芝字子華河內溫人也少爲書  
生避亂荆州于魯陽遇賊同行者皆棄老弱走芝獨坐守  
老母賊至以刃臨芝芝叩頭曰母老唯在諸君賊曰此孝  
子也殺之不義遂得免害據是則傳稱魯陽卽魯陽關也  
當引酈注補證魏志之文近杭大宗三國志注補失引

附文選張協雜詩朝登魯陽關峽路峭且深流澗萬餘

圍木數千尋咆虎響窮山鳴鶴聒空林淒風爲我嘯百竈  
坐自吟感物多思情在險易常心竭來戒不虞挺轡越飛  
岑王陽驅九折周文走岑峯經阻貴勿遲此理著來今  
案張協字景陽舊志于藝文載此詩作張翰於古蹟作景  
陽皆未及對勘致誤汝州志亦誤作張翰今據以改正

歇馬嶺關

明史藁地里志魯山有歇馬嶺關在縣西北

明史地里志魯山西北有歇馬嶺關巡檢司

魯陽鎮

魏書地形志魯陽郡太和十一年置鎮

元和郡縣志後魏太和十一年孝文帝南巡置魯陽鎮



三鷓滇

周書權景宣傳郭賢大統十二年除輔國將軍南州刺史  
及侯景來附思政遣賢先出三鷓鎮

通典汝州魯山縣後周置三鷓鎮在縣西南十九里

玉海通釋通典汝州魯山縣後周置三鷓鎮在縣西南十  
九里亦名平高城以禦齊百重山在鄧州向城縣北卽三  
鷓之第一又北分水嶺山嶺北卽三鷓之二其第三鷓入

魯山縣界韋孝寬陳伐齊三策其一廣州義旅出自三鷓

其二三鷓以北萬春以南廣事屯田預爲貯積

注郡縣志魯山縣魯

陽關水俗謂之三鷓水經縣西七里魯陽關在向城縣北  
八十里今鄧汝二州于此分境荆豫徑途斯爲險要張景

陽詩云朝登魯陽  
關狹路峭且深

方輿紀要魯陽關一名鴟路鎮自昔戍守要地也

曹村鎮

元豐九域志魯山曹村鎮

龍興鎮

元豐九域志魯山龍興鎮

案二鎮今屬寶豐

段鎮

唐愨撰加修宣聖廟記稱境內段鎮

案段鎮當卽今治北二十里段店

淮陰鎮

明張以謙撰重修水陸殿記魯山縣治東四十里淮陰鎮

西有寶林寺水陸殿一所

案水陸殿在今韓信街西鎮名淮陰以此

### 桃花鎮

賈鶴年撰感雨記魯山縣桃花鎮

按郡國利病書魯山縣北路桃花店舖卽此地

### 三鷓路

方輿紀要三鷓路在今南陽府北及汝州之南一統志南陽府北七十里有二路東北帶西而行者爲三鷓路中有石山鯉魚山拓禽山卽行人來往趨西洛之便路也杜佑曰汝州魯山縣後周置三鷓鎮在縣西南十九里亦名平高城以禦齊高齊亦于縣東北十七里置魯城以禦周

三鷓路自南陽府北六十里之故向城又北有石山路

百重

山卽三鷓之第一府北七十里分水嶺而北卽三鷓之

第二由故向城而北又八十里有魯陽關入魯山縣界卽

三鷓之第三舊時鄧汝二州于魯陽關分界荆豫逕途斯

爲險要張景陽詩朝登魯陽關峽路峭且深者也晉太元

三年苻秦寇襄陽使別將石越帥精騎出魯陽關北魏孝

昌初方有事于西北二荆西郢

二荆謂穰城及魯陽後魏太和中置荊州于魯陽後

又移治穰城也或以爲西荆治上洛北荆治襄城誤西郢

隋志在比陽胡氏曰治真陽縣穰城見鄧州魯陽卽魯

山襄城今屬許州比陽今唐縣羣蠻皆反斷三鷓路北至襄城中阻汝水

屯據險要道路不通復引梁將曹義宗圍荊州

卽今魏將鄧州

崔暹赴救至魯陽不敢進更遣元或討魯陽蠻辛雄東趨

梁城別將裴衍等將兵出武關通三鵝路以救荊州又東魏興和二年侯景出三鵝將復荊州宇文泰遣李弼等出

武關景乃還西魏大統十三年侯景叛東魏以魯陽長社

諸城賂魏魏荊州刺史王思政將州兵從魯陽向陽翟此

卽三鵝路也宇文周建德四年韋孝寬陳伐齊三策一云

廣州義旅廣州治今魯山縣出自三鵝一云三鵝以北萬春以南

萬春見洛陽縣廣事屯田預爲積備三鵝蓋出奇之道矣唐志開元八年

鄧州三鵝口大水

塞谷漂溺甚衆

資治通鑑綱目質實三鵝路名在南陽府城北七十里分

二路東北帶西而行者謂之三鵝路中有石山鯉魚山拓

禽山卽行人來往趨西洛之便路也石山爲第一鵝路

分水嶺第二鴉路口今在汝州界者第三鴉路口也

徐志案自南陽石橋以北至陝州雙觀音堂凡數百里皆鴉路也烏鴉爲光武引路說出牧童爨媪乃各流如陳文莊作文亦引用可駭也昔年臆解以鴉路猶云烏道言其路之崎嶇耳後閱魏書知名起于鴉水然據水經注鴉水亦俗名乃魯陽關水水出魯陽縣南分水嶺

案徐志引作資治鑑當作資治通鑑綱目書各節取非是今爲易正徐又云烏鴉爲光武引路說出牧童爨媪考此亦有據依但傳訛非其實元和郡縣志龍興縣城本通鴉城卽後漢賈復城也復南擊鄆所築後魏太和二十三年孝文帝親征馬圈行至此城昏霧得三鴉引路遂過南山

故號通鷄城人遂傳爲光武殆由此也徐志偶有摭拾亦好爲憑臆若棄之不復置辯後人繼有纂輯反疑刪除過甚而更爲收入味于體要矣

案通典三鷄路注今南陽郡向城縣北至臨汝郡是古鷄路之所逕由卽北抵汝州決無紆折西北至于陝州皆名鷄路之文志蓋誤會

### 渾渠鄉

史記索隱韋昭云侯多所封則作輝渠應庇所封則作渾渠二者皆鄉名在魯陽

史記衛青傳索隱案漢書功臣表元狩二年以輝渠封僕朋至三年又封鷹庇其地俱屬魯陽未詳所以正義渾

表作順梁

案路史國名紀順梁亦引韋昭作渾渠蓋韋氏當有所據未可偏廢姑兩存之

煇渠鄉

史記索隱煇渠鄉各按表在魯陽

史記衛青傳鷹庇爲煇渠侯集解徐廣曰一二云篇訾索隱漢書鷹作雁庇音必二反又音疋履反案漢書功臣表元狩二年以煇渠封僕朋至三年又封鷹庇其地俱屬魯陽未詳所以正義煇渠表作順梁

案兩煇渠鄉侯并在魯陽煇渠無可尋考縣治東有灰河煇與灰音相近蓋卽煇渠遺址土人轉爲灰河也



陽泉鄉

後漢書張宗傳王莽時爲縣陽泉鄉佐

元好問集陽泉棲雲道觀注魯山舊有陽泉鄉東漢張宗嘗爲其鄉佐

應鄉

水經注澧水東逕應城南故應鄉也下應城又引地理志曰故父城縣之應鄉也周武王封其翁爲侯國

琴臺鄉

金賜應惠院額碑汝州魯山縣琴臺鄉三鴉店應惠院受業僧崇光

明劉英墓表魯陽琴臺鄉白象保

大寧鄉

正覺寺祖倫壽塔銘南陽府汝州魯山縣大寧鄉

永安鄉

明正德口年修橋碑永安鄉

案永安鄉卽今窪耳陳庄陳氏舊有石刻大字永安堡並可舉証

東漫流里

重修興國寺記東漫流里

興賢里

燕儒官撰袁道墓表邑學遍城下縣尹開一新南門道卽捐園爲通衢名曰興賢里

沒大嶺

方輿紀要歇馬嶺在縣西八十里亦名孤山波水所出又四十里爲莫大嶺沙河所出也

徐志沒大嶺西百七十里高十五里乃嵩魯大界澧水之源也雉鳴深澗猿掛懸崖萬木叢生人烟絕少

案元和郡縣志澧水出縣西大陌山今稱沒大嶺澧水之源卽大陌山轉訛自省通志續志及汝州前後兩志皆因俗名未有訂正方志之疎所來遠矣方輿紀要稱爲莫大嶺亦以意名之不可爲据

歇馬嶺

水經注澧水又與波水合水出霍陽西川大嶺東谷俗謂

之歇馬嶺

全唐詩宋之問遊陸渾南山自歇馬嶺到楓香林以詩代  
書答李舍人適晨登歇馬嶺遙望伏牛山孤出羣峰首熊  
羆元氣間太和亦崔嵬石扇橫閃倏細岑互攢倚浮巘競  
奔蹙白雲遙入懷青雲近可掬徒尋靈異迹周顧愜心目  
晨拂鳥路行暮投人烟宿稔稻遠彌秀栗芋秋新熟石髓  
非一巖藥苗乃萬族間關踏雲雨繚繞緣水木西見商山  
芝南到楚鄉竹楚竹幽且深半雜楓香林浩歌青潭曲寄  
爾桃源心

案徐志題目只載宋之問歇馬嶺詩白雲遙入懷遙訛作  
迎半雜楓香林香訛作木暮投人烟宿下又脫稔稻遠

秀四句今据補改

橫嶺

水經注澧水內載魯陽關水水出魯陽關外分頭山橫嶺  
下洧水內載魯陽關水出魯陽縣南分水嶺南水自嶺南  
流北水從嶺北注故世俗謂此嶺爲分頭也

徐志分水嶺西南六十里圍城山東西分水舊志云水卽  
鴉河

青嶺

顏真卿元結墓誌銘結二子以乃以明虔葬君子魯山青  
嶺泉陂原

案青嶺在縣治北三十餘里俗名青條嶺舊志亦從答

因于元結墓誌銘內亦闌入條字俗手不加勘正今據元刻刪易

太和川

魏書高祖紀太和十七年五月襄陽蠻酋雷婆思等率部內萬餘戶內徙居于太和川

案蠻徙魯陽自此迭相煽變故悉書如左

蠻列傳太和十七年襄陽酋雷婆思等十一人率戶千餘內徙求居太和川詔給廩食後開南陽令有沔北之地蠻人安堵不爲寇賊

世宗紀景明三年三月魯陽蠻反夏四月詔撫軍將軍李

崇討魯陽反蠻

李崇傳世宗初徵爲右衛將軍

云

魯陽蠻柳北喜

燕等聚衆反叛諸蠻悉應之圍逼湖陽游擊將軍李崇光  
鎮北城盡力捍禦賊勢甚盛詔以崇爲使持節都督征蠻  
諸軍事以討之蠻衆數萬屯據形要以拒官軍崇累戰破  
之斬北燕等徙萬餘戶於幽并諸州

蠻列傳景明三年魯陽蠻魯北鷲等聚衆攻逼潁川詔左  
衛將軍李崇討平之徙萬餘家于河北諸州及六鎮尋叛  
南走所在追討比及河殺之皆盡

蕭宗記武泰元年十有二月以臨淮王彧爲征南大將軍  
率衆討魯陽蠻

裴衍傳孝昌初蕭衍遣將曹敬宗寇荊州山蠻應之大路

斷絕都督崔暹率數萬之衆盤桓魯陽不能前討

北齊書文宣紀天保七年夏四月乙丑儀同婁叡率衆討魯陽蠻大破之

周書權景宣傳郭賢字道因趙興陽州人大統十二年除

輔國將軍云及潁川被圍東魏遣蠻酋魯和扇動羣蠻

規斷鴟路和乃遣其從弟與和爲漢廣郡守率其部曲侵擾州境賢密簡士馬輕往掩襲大破之遂擒魯和

通鑑梁紀天監元年二月魯陽蠻魯北鷺等起兵攻魏潁州四月魯陽蠻圍魏湖陽撫軍將軍李崇將兵擊破之斬魯北鷺徙萬餘戶于幽并諸州及六鎮尋叛南走所在追

討比及河殺之皆盡



小和川

水經注濁水又歷太和川東遷小和川

霍陽西川

水經注濁水又與波水合水出霍陽西川大嶺東谷俗謂之歇馬嶺川曰廣陽川非也

泉陂

顏真卿撰元次山墓誌銘葬君子魯山青嶺泉陂原

案泉陂在縣治北二十五里餘土人傳爲泉背背卽陂聲轉字訛

青楊湖

趙友禮撰賈文卿墓表歸葬于縣東南青楊湖

溫泉

水經注溫泉出北山阜七源奇發炎熱特甚闕駟曰縣有湯水可以療疾

案溫泉一名神泉初學記引王廙洛都賦曰雞頭溫水魯陽神泉不爨自沸熱若焦然爛毛淪卵煮紉濯鮮今縣治西南五十里名下湯又有上湯中湯居民宰鷄豚洗山繭絲並于此王廙賦所言不虛也

附晁冲之詩題魯山溫泉

平生耳熟聞驪山夢寐不到臨潼關當年太液金井碧溫泉宛在關山間憶昔君來必十月騎玉花驄帶風雪太真獨侍溫泉邊鯨甲龍鱗影清絕五十年昇平一蓬却嘆

騎入關西自爲前朝同禍水翻令後代異廉溪君不見汝  
海之南魯山左亦有此泉名不播征夫問路說湯頭可憐  
亦是陳驚坐

案新唐書地理志梁縣高宗置溫泉頓此云湯頭者頭蓋  
頓字之訛

河南通志溫泉在魯山縣舊名皇泉湯商后嘗浴其處載  
水經下泉水熱如沸中泉平溫上泉微溫俗呼爲上中下  
湯云縣六十里居民引爲沐浴池能愈瘡痍宿疾宋范純  
仁詩山前陰火煮靈源昔日曾臨萬乘尊歷盡興亡只如  
此不隨世俗變寒溫

采通志以溫泉舊名皇泉湯商后嘗浴其處載水經考鄭

氏注無此文又范純仁詩謂昔日曾臨萬乘尊者實據汝州梁縣高宗置溫泉頓唐代數臨幸此也通志牽入魯山溫泉是謂不審焉已

### 寒泉

水經注湯側又有寒泉焉地勢不殊而炎涼異致雖隆火盛日肅若冰谷矣渾流同谿南注澗水

案酈氏于澗水內言澗水又會溫水溫水出竟陵之新陽縣東澤中口徑二丈五尺根岍重沙端淨可愛靖以察之則淵泉如鏡聞人聲則揚湯奮發無所復見矣其熱可以燂為洪澗百餘步浴若寒泉東南流注于鄆水及暨義

慶四明錄曰艾縣輔山有溫冷二泉相去數尺初

熱泉可以煮雞豚冷泉常若冰雙流數丈而合俱會于一溪物理不可測如是

涼水泉

河南通志涼水泉在魯山縣八十里

案此當是寒泉異名

栢樹溪

水經注牛蘭水又東南與栢樹溪水合水出魯山北峽谷中

肥溪

集古錄目商餘操蘇預撰預友元結隱居教授于商餘之肥溪預爲作此辭

案元結自釋云結少居商餘山與此居商餘之肥溪合但  
隱居教授結本傳無文此歐陽棐摭商餘操序文亦史闕  
記也

徐志肥溪二源一出文峯山一出商峪山至花山合流北  
逕看花厓東流至商餘口合白沙嶺水北入澗唐考功郎  
中蘇源明商餘操曰商餘之下肥溪之曲是也

屈原廟

後漢書延篤傳永寧元年卒于家鄉里圖其形于屈原之  
廟

徐志引篤傳文云按此則魯舊有屈原廟矣但不知廢于  
何時耳

彭山廟

水經注小潢水北流逕彭山西下有彭山廟

開天廟

醫學講堂記三皇爲開天之祖廟時居扁鵲祠前創自我朝大德庚子之歲邑主簿劉從周之所構也

案今東關稍北八蜡廟內存元醫學講堂記碑卽開天廟遺蹟近人多呼爲三皇廟

棲雲道觀

元好問遺山集陽泉棲雲道觀詩方外復方外翛然心蹟  
滿開窗納山影推枕得溪聲川路遠難到石田平  
丁  
林不嫌客留看錦  
呼  
噪

女靈廟

說郭皇甫牧三水小牘汝州魯山縣西六十里小山間有  
祠曰女靈觀其像獨一女子焉祠堂後平地怪石圍數畝  
上擢三峰皆十餘丈森然肖太華也詢之老人云大中初  
斯地忽暴風驟雨襄邱陵震屋瓦一夕遂有茲山其神見  
形于樵蘇者曰吾商於之女也帝命有此百里之境可告  
鄉里爲吾立祠于山前山亦吾所持來者無曠時祭當福  
汝鄉人遂建祠官書祀典歷數世矣咸通末余調補縣印  
吏實尸嘗祭與同舍生譙國夏侯禎偕行祭畢與禎縱觀

祠內

云



張衡南都賦遠世則劉后甘厥龍醴視魯縣而來遷奉先  
帝而追孝立唐祀乎堯山

後漢書郡國志魯陽有魯山有堯山封劉累立堯祠

水經注堯之末孫劉累以龍食帝孔甲孔甲又求之不得  
累懼而遷于魯縣立堯祠于西山謂之堯山

案水經注引南都賦作立唐祠于堯山是堯祠一名唐祠  
近本刻作唐祠失其真本矣

二賢祠

徐志元尹劉毅立祀紫芝次山今失所在

案加修宣聖廟記至正之元秋七月勅儀封簿劉毅來尹

是邑

云

飾元紫芝琴臺次山碑慕其風立其祠尙友其

人据是則舊蓋未有祠宇自毅始建也

### 太山行祠

李天祿撰修太山行祠碑魯陽之東澠川之北太山行祠在焉後題至元六年三月二十八日

### 扁鵲祠

周尙友撰創建醫學講堂記魯山古樊州縣城之東扁鵲祠在焉肇自金守唐括世英所建

案稱魯山爲古樊州未審所據

### 太靈古祠

全唐詩元結演興四首之二 并序

商餘山有太靈古祠傳云秦隴氏祠大帝所立祠在小

西乳之下邑人修之以祈田予因爲招詞訟閱之文以演  
典辭曰

招太靈

招太靈兮山之巔山屹崑兮水淪漣祠之禩

音賴墜  
禩也

兮眇

何年木修修兮草鮮鮮嗟魍魎兮淫厲自古昔兮崇祭禘  
太靈兮端清予願致夫精誠久懈兮恍恍招拊搗兮呼風  
風之聲兮起颼颼吹元雲兮散而浮望太靈兮儼而安澹  
油溶兮都清閑

初祀

山之乳兮葺太祠木孫爲桷兮木母棲雲纓爲楫兮愚木  
栢洞淵禪兮揭巍巍塗木蘭兮葍糝焉被弱草兮禘祔聯

仡渾洪兮馥闐闐管化石兮洞剗天翹修鈿兮掉蕪艾靈  
巫讎兮舞千薦天鯨兮泗陽泉獻水芸兮飯霜和與太  
靈兮千萬年

累亭

後漢書郡國志魯陽有累亭

案劉累遷于魯陽亭當以此取名

白亭

水經注波水又南分三川于白亭東而俱南入澠水

修禊亭

河南通志修禊亭在魯山縣唐歐陽詹爲令以三月三日  
集寮吏禊飲于此

汝州志唐歐陽詹爲魯令時歲以三月三日集僚吏于此  
徐志修禊亭在縣西溫泉上唐歐陽詹爲令時以三月三  
日集僚吏于此

案詹見唐書列傳並不及爲魯山令考詹文集有魯山令  
李胃三月三日宴僚吏序蓋詹于時特爲胃作文序而諸  
志襲訛踵謬久未是正爲附序文以訂疎舛文云三月三  
日以酒食出野曰禊飲古俗也有唐今上御宇之元年年  
定三節一以二月一日之中和終致九月九日之重陽次  
取此日之禊飲賜羣后大宴登高臨流與時所宜泊四方  
有土之君亦得自宴僚屬貞元十二年暮春月月七鬼一  
日則其日也臨汝魯山令趙郡李胃恭國今宴于縣南滢

濱先宴曰夫宴者古所以示慈惠而期合歡者也國家錫以斯宴者情亦古情焉况食在充腸不在充目酒在行禮不在溺神歌發其所自和舞發其所自樂窮八珍竭萬鍾強發揚課絲竹則有勞有逸豈合歡之意歟以是首設一席肉一肩酒一壺命自天子命爲佐貳者次一席酒肉亦如之命自巳命以爲吏者次一席酒肉亦如之命鄉閭許以耆年有德者肉旣飽酒旣酣因化育之治有歌謠者進有舞蹈者作皆誠激乎中章乎形容婆娑慷慨焉習而爲者不類然後漁者請以其舟釀者請以其醞圃者請以其蓄弋者請以其鮮啐濁嘗鹿浮泛漪瀾風恬日和川晴野媚以熙以怡萬心一之至義之門大順之家父兄

族一堂之中不是過也非仁德淳化其孰能至于是耶旅  
遊之子竇窺盛事茲宴也雖溥於天下百里不同風雨恐  
他邑之景物此辰不得似公之邑也一方不同教化恐他  
邑之歡樂此辰不得似公之邑也據是則修禊實李胃又  
宴於縣南滢濱亦非在縣西溫泉也志殊失之

胃當作胃  
詳循政記

### 琴臺

集古錄曰元魯山琴臺記唐汝州魯山縣令宋整撰琴臺  
者故縣令元德秀之所立整葺其頽毀以大中八年正月  
立

太平寰宇記琴臺在縣故子城東南墻上廣二百步卽唐  
開元中縣令元德秀爲令彈琴于此

案記稱琴臺在縣故子城東南墻上當時因高加築不欲重勞民以自逸其風可想也

徐志琴臺在城北郭唐元德秀爲令時築顏真卿有文前賢題咏甚多金趙秉文書琴臺二字刻于石明邑令羅文寶楊呈芳重修

本朝呂士龍王雍增修

案至正四年加修宣聖廟記縣尹劉毅飾元紫芝琴臺集古錄目唐魯山縣令宋整葺琴臺頽毀則崇修更前于明代矣志蓋失考

附遺山集琴臺詩荒城草木合破屋風雨侵千年一琴臺  
睠焉涕盈襟遺愛食縣社公寧不堪任此臺卽甘棠忍使



無餘陰旁舍高以華大豪自捐金蒼雲元武暮鬼物憑陰  
岑尚德抑清虛墜典誰當尋我與薦寒泉百拜公來臨公  
來不能知落日下饑禽懷哉空山裏鶴飛猿與吟當年于  
薦歌補袞一何深承平示得意猶能正哇淫君相此一時  
又復悟良箴諛臣坐廢黜合亦起幽沉蒲輪竟推轂香草  
空深林寂寞授書室孤甥舉遺衾生平諒已然薄俗矧來  
今千山爲公臺萬籟爲公琴夔曠不並世月露爲知音人  
間蹄涔耳已矣非公心

案遺山詩首案荒城草木合考衮宇記云琴臺在縣故子  
城東南牆上詩爲寄端以此

思父臺

河南通志思父臺在魯山縣西北世傳漢光武屯兵于此  
陟臺思父

魯陽府

新唐書地理志汝州有府四一曰魯陽

郭敬之家廟碑陰子儀爲魯陽府折衝

石墨鐫華子儀改汝州魯陽府折衝長上知右羽林軍按  
長上爲右羽林軍官趙氏于折衝下連文書長上二字非  
是

太學

北史酈道元傳景明中試守魯陽郡道元表立黌序崇勸  
學教詔曰魯陽本以蠻人不立太學今可聽之以成良守

文翁之化

稽古堂

周尙友撰醫學講堂記講堂舊貫偏出殿右震風凌雨朽榱摧至正辛巳秋七月縣尹劉君來宰是邑率屬謁廟起而興嘆曰三皇古聖人也實生民之先爲開天之祖以堂壓殿位置非宜我欲口地而遷之可乎余曰善遂捐俸爲倡吏民慨助者不貲于是傭工費匠市甓掄材堂構之筵基襲殿北簷榮軒豁遠偉不踰時而口役告成扁其堂曰稽古劉君名毅字德剛曹南盤石人

許坊

唐憲撰加修宣聖廟記境內三鴉許坊瀼河段鎮

附麻九疇許方村卽事詩

披熱達許方山巔青漫漫野黃麥初割畦綠蔬纒渚春籬  
蒜葉深巷樹春花亂煙長見新冶風遠聞清銀濯衣女在  
溪販鐵人棲館墻危壘破石路黑沾遺炭山雲頃刻雨沙  
地須臾曠鐸鳴駕犢畊罩密防雞散線餘殘繭挂釣罷么  
絲貫沽酒有客賒醫李何人喚扑憐官始威牒煩民更玩  
歷險小車多逢人黥衣半縣遠肉難求山近寇可追何當  
卜隱居尋我杖藜伴

案金史麻九疇傳南渡後寓居鄆蔡間及應奉翰林文字  
後復謝病去居鄆城當時遂其野逸之性或往來此山中  
許方爲所目驗故詩內稱販鐵人棲館及路黑沾遺炭詩

坊隣梁家窪地開煤礦猶是石炭遺蹟金史李復亨傳魯  
山產鐵皇輿考魯山有石炭並可爲証方卽坊字省文

女靈廟前險石

晁沖之詩同魯山韓丞觀女靈廟前險石君不見魯山之  
西西山麓十里連岡瀉平陸青林白晝暗古祠雀噪虛簷  
蛛網屋屋邊怪石何瑰奇鳳筋虎骨連肌肉巉巖欲下落  
澗渚湏洞千鈞一毫屬天匠惟知刻畫工鬼力深憂護持  
哭前峯高攀下如揖餘峯危慄皆俯伏披尋宿莽得佳趣  
窪爲溪壑呀爲谷香爐佛蹟不在外仙掌蛾眉此其足香  
潤潛含夏木清空濛映帶春江綠我知此必蘊靈異河止  
懷藏易城玉閭寂嗟來麋鹿遊孤峻幸免牛羊觸自經千

卷之九  
三  
載禹刊鑿不逢萬里秦驅逐脚躡三繞回高岡却立下視  
雲蒼蒼古今誰爲好事者後有韓子前奇章君不見玉川  
先生洛陽宅修竹蕭蕭獨爲客他年如與鶴乘軒可來相  
見銅駝陌

秦水經注世謂女靈山其山平地介立不連岡以成高峻  
石孤峙不託勢以自遠四面壁絕極能靈舉遠望亭亭狀  
若丹楹插霄矣北面有如頽落劣得通步好事者時有攀  
陟耳當卽此題險石

月明石

河南通志月明石在魯山縣城西南漢光武避莽難昏夜  
至此有石如月照之

看花園

河南通志看花園在魯山縣城西十里基址尙存有古井  
唐括公造

月落坪

河南通志月落坪在魯山縣城西南漢世祖避莽難由月  
明石至此月落

魯山監

玉海崇寧四年閏二月汝州魯山置監并陝西兩河京西  
十八監鑄夾錫錢

續補琴臺詩

案全金詩題作元魯縣琴臺大豪自捐金作大豪日捐金

尚德抑清虛作尙德抑元虛我與薦寒泉作我興薦寒泉  
猶能正哇淫作獨能正哇淫合亦起幽沉作盍亦走幽沉  
蒲輪竟推轂作蒲輪竟頽轂孤甥舉遺禽作孤甥舉遺衾  
又詩末注云元道州文編以元魯山爲元魯縣又臺今爲  
元武祠故及之

案小注稱臺今爲元武祠是在金季臺之廢沒可考如此  
城場

香山寺至元二十二年地界公据碑載魯山縣西十里保  
東婆婆店有下院天寧觀音禪寺舊來常住山林店宅地

土其地東至城場

云

案城場在今婆婆店南三里餘卽其地也



婆娑店

元香山寺碑魯山縣西十里保東婆娑店

魯山縣志卷九終

臨邑縣志卷十

原住山東博山縣知縣假師武億

同纂

魯山縣知縣餘杭董作棟

地理志

里甲

太平寰宇記魯山舊三鄉今二鄉

元豐九域志汝州中魯山一鄉

讀史方輿記要編戶四十六里

案前明魯山分圖分甲分里分保新置學田記碑陰一圖  
六甲嘉靖二年修城記永定里四十三圖嘉靖七年造石  
香鑪記新安二里白象保萬曆九年造香殿記二十八圖

信士

河南通志魯山縣編戶十里

王雍縣志 國初編戶十二里康熙間復併爲六圖尋增  
三圖爲九里

徐志城內十六保七十二甲牌民六百九十八戶

四關四十三保二百零二甲牌民一千四百三十戶卡房  
三處健役六名

城東路二十一保一百二十七甲一千二百五十七戶卡  
房一處集鎮一處俱在程家村

石佛庄離城十里

柿園曹離城十二里

大王庄離城十里

張家庄離城十二里

三鴨街離城十八里

廟王庄離城二十里

程家村離城二十五里

白家村離城二十七里

朱家庄離城二十二里

陽石寺離城三十五里

水牛屯離城四十里

城東北路三十八保二百一十四甲二千九十二戶卡房

七處集鎮二處

五里堡離城五里

下師家窪離城四里

蕭家樓離城六里

上師家窪離城七里

張家店離城七里

渠家店離城十里

傅家嶺離城十五里

段店離城十八里

漫流集離城二十五里

東漫流離城三十里

盆郭家離城三十里

衆興店卽郎家店離城二十五里

梁家窪離城三十里

城北路十二保一百一十七甲一千一百四十五戶卡  
一處坐落荆家庄

荆家庄離城三里

五里頭離城五里

馬家村離城七里

李家村離城十里

白象店離城十五里

禹王河離城三十五里

倉頭離城五十里

城西北路二十三保一百二十甲一千一百八十七戶卡  
房一處在董家村集鎮一處

賈家庄離城五里

七里頭離城七里

八里倉離城八里

程家樓離城九里

十里頭離城十里

中和集離城十八里

沈家溝離城十八里

何家窪離城二十里

董家村離城二十里



西北山十二保七十甲六百七十八戶卡房二處坐落瓦屋街北孜街

瓦屋街離城七十五里

北孜街離城一百里

觀音寺離城六十里

岳家村離城七十里

馬三元庄離城六十五里

湯家庄離城六十里

西北鄉十四保九十三甲九百一十八戶卡房一處集鎮一處俱在耿家集

耿家集離城二十五里

明山寺離城二十五里

保安庄離城二十五里

拳掌村離城三十里

尚家村離城三十三里

馬家樓離城三十五里

西山口七保三十甲三百零五戶卡房一處在柳溝街

柳溝街離城三十里

石家樓離城五十里

土門村離城五十里

西裏山六保五十甲四百八十九戶卡房四處每村

集鎮二處

中湯村離城 里

寬步口離城七十里

趙家村離城九十五里巡檢司駐劄

賈家店離城 里

西南山四保二十一甲二百一十一戶卡房一處在清水營

清水營離城 里

科樹離城

西南路二十六保一百六十一甲一千五百九十五戶卡房六處集鎮二處

灤河街離城十五里

李家庄離城十七里

熊背街離城二十里

順河庄離城二十二里

栗家村離城二十五里

草店離城二十五里

王家樓離城三十里

宿王店離城三十里

黃土嶺離城三十五里

交口街離城四十里

團城山離城五十里

南路二十保二百零五甲二千二十八戶卡房一處集鎮

二處

樓子張離城十里

娘娘廟離城十里

何家寨離城十五里

石材店離城十五里

薛家寨離城十五里

燕家樓離城十七里

袁家寨離城十八里

孫家庄離城十六里

雙柳樹離城十八里

冢兒劉離城二十里

南土門離城二十五里

賈家集離城二十里

商餘口離城三十里

麥家川離城四十里

東南路五十四保四百五十五甲四千二百九十九戶卡

房八處集鎮四處

馬家樓離城二十二里

新興集卽馬家樓集

郝家樓離城二十三里

傅臨庄離城二十八里

宋家庄離城二十八里

張良居離城三十里

岡家窪離城三十里

孫村離城四十里

孔家庄離城四十里

西河村離城四十里

韓信街離城四十五里

陳家窰離城五十里

犖城離城五十二里

楊村離城六十里

宋家庄離城五十里

三山庄離城六十五里

太平庄離城七十一里

玉皇廟店離城七十里

林河村離城七十里

小長村離城七十里

老墳灘離城七十二里

胡家樓離城七十五里

乾隆六十年知縣董作棟更定順庄法取法良遵易簡物

阜慶盈寧十字爲十里刻石署內二堂東序魯山縣舊分

十里曰一里二里三里四里五里六里新里洪里闡里

里戶籍之隸於十里者參差隔越雖鄉約保甲亦不知

庄之某戶在何里納糧其催糧則另設單頭一役逐年



替每里單頭各數十名每名押令催銀若干戶單頭執此催單不知某戶某戶住居何處往往有相去百十里逃亡遷徙無可稽查其黠者度名詭避無可質對故單頭賠苦萬狀余於乾隆五十七年夏抵任是年

恩免地丁錢糧無事迨歲終更替單頭輾轉求脫數月未已悱

然動心因於五十八年三月親赴各鄉推查烟戶下卽註舊時完糧里分此段查畢順至彼段初次遺漏二次

查通縣查完卽以烟戶冊爲底本另造順庄徵冊更取其良遵易簡物阜慶盈寧十字爲十里新名城內及四關外  
地爲法里自良里而下由正東起左旋至東北止開徵則糧差順路捱戶滾催革除單頭苦累是年六月稟明藩憲

奉准由州飭行在案以後烟戶遷移責成保甲查明開除  
添補今已行之三年官民交便用書於石以告後之宰斯  
土者

案今更定十里以開方法爲分合新圖列卷首其十里所  
管村庄開于後

法里城內及附城四面八里內大小村庄九十五處現共  
三千四百六十一戶內有糧之戶一千七百零二戶

良里正東大小村庄五十七處現共二千零三十三戶內  
有糧之戶一千三百二十六戶

遵里東南大小村庄五十七處現共一千九百八十九戶  
內有糧之戶一千二百二十一戶

易里東南大小村庄五十八處現共一千五百八十六戶  
內有糧之戶七百七十戶

簡里東南大小村庄九十七處現共一千七百七十一戶  
內有糧之戶一千一百二十八戶

物里正南大小村庄六十五處現共一千八百八十二戶  
內有糧之戶一千一百零四戶

阜里西南大小村庄百六十四處現共三千三百四十六戶  
內有糧之戶一千九百二十五戶

慶里正西西北大小村庄一百二十三處現共二千七百  
七十四戶內有糧之戶一千一百八十五戶

盈里正西大小村庄四百一十二處現共七千五百七十

七戶內有糧之戶四千零七十二戶

寧里正北東北大小村庄一百零三處現共二千五百五十四戶內有糧之戶一千七百戶

### 風土

徐志士多椎魯之習民餘質樸之風近因蓄薄而用侈漸至業廢而室窘雖然忠厚之遺尙未失也

民淳訟簡土厚水甘務本業不習末作卽遇凶荒寧死不棄鄉井

魯釋名魯鈍也國多山水民性樸魯也本釋東魯邑宛似之故邑之士民言行多率直無矯飾訟鮮無情之詞而今則稍變矣

案徐志引爾雅魯鈍也此出釋名今摺改

國初地曠土滿占籍者十之五六故一方而剛柔異齊性嗜嗜好或不相通

人多畏官府而重犯法間有訟者非怙終不可化誨多緣不諳律例不識義理而奸貪出沒乃在胥徒操縱間故必嚴于防檢而急于廓清

士庶多急公義樂輸將從無逋糧及梗化撓治者向者男女婚嫁養生送死質而有節今冠禮不行久矣祭禮簡畧而婚禮猶知以貧富爲豐簡惟是喪禮破孝之說則爲世風大蝨有湯藥病人而預憂破孝者有竭力破孝而喪具反薄者有暴露其親而累年不葬者且彼此相習報施求

稱至不恤蕩產而但畏人譏笑者妄費浩繁無當送終之義居喪不作佛事近士大夫家且有不用鼓樂者

民多笨拙少黠慧株守田疇不諳貨殖卽或留心化居終鮮子母之利而市肆商賈率獲利無算數年來農人倉箱多歸大賈矣堪輿家以爲主山弱客山強理或然與

城隍爲民禦災捍患者也每歲四月八日肩輿其神出遊儀衛前導會賽之他如元旦祀先卑幼以次拜尊長親友交賀上元張燈清明展墓插柳于門端午戴艾食角黍飲雄黃酒以綵絲繫小兒腕六月六日曝衣七夕乞巧望夜焚香追先亡中秋翫月九日登高冬至食餛飩臘日食粥

廿三日以糖餠祀竈除夕易桃符放爆竹家人聚飲守歲

凡郡邑所同者茲不縷載

物產

香稻

文選張平子南都賦滢臯香秔注滢臯滢水之澤也

宋之問自歇馬嶺到楓香林詩稔稻遠彌秀

案今縣治西引渠種稻所在有之但香秔尙未遍布据南都賦已徵爲嘉實嗣當有覓種分畦者矣

銀

新唐書地理志魯山縣有銀

鐵

金史李復亨傳復亨奏民間銷毀農具以供軍器臣竊以

爲未便汝州魯山寶豐鄧州南皆產鐵募工置冶可以獲利且不厲民

石炭

皇輿考石炭魯山

案石炭卽明煤成塊今梁家窪所在有之惟射利者覓工鑿取頗難致力因誘取四方失業之徒入窰掏摸羈累歲月深爲患苦宜明載以告司是土者

附知縣董作棟清理煤窰碑記魯山縣梁窪一帶採取石煤易開易竭故未通報成窰然用以代薪亦自然之利乃有工頭誑人做工久羈不放或地方無賴誘賣貧民

鳴冤之案嘉慶元年三月本縣親詣窰所出異方之被



者約三百人量其去家遠近給與路費放回諭令審戶工  
頭公平僱人開採不許設立撥房強拉誑買該審戶等各  
矢天良具結永遠遵行在案嗣後若復蹈前轍卽行驅禁  
并重法繩之

松烟

宋晁氏墨經松烟今則汝州竈君山松品竈君山可甲乙  
按汝州志竈君山在州城西南三十里今縣西北有竈君  
山二皆產松與汝州竈君山毗連蓋一山也

薇

皮日休七愛詩只採魯山薇

栗芋

宋之問自歇馬嶺到楓香林詩栗芋秋新熟

石髓

宋之問自歇馬嶺到楓香林詩石髓非一巖

薰草

本草集解云別錄曰薰草一名蕙草生下濕地三月采陰  
乾脫節者良又曰蕙實生魯山平澤

蕙實

政和證類本草蕙實生魯山平澤掌禹錫按陳藏器云是  
蘭蕙之實

蕙實

政和證類本草惡實生魯山平澤別錄唐本注云魯山在

鄧州東北別錄名牛蒡一名鼠黏草

案顏真卿元次山墓志銘父延祖以魯縣商餘山多靈藥遂家焉又宋之間自歇馬嶺到樞香林詩藥苗乃萬族今以徐志所載茯苓猪苓山查木通連翹金銀花百合赤白芍桔梗桃仁杏仁棗仁天花粉瓜蒌仁地丁夜明砂黃芩細辛薏苡仁何首烏麝虎骨鹿角鹿血白花蛇熊胆黃精五靈脂茱萸黑白丑四葉葳丹參苦參龍胆草天冬南星黃栢杜仲木香草烏香附車前牛蒡子兔絲子旱蓮草淫羊藿希仙草凡四十九種然尚有未悉收採者姑舉此以見藥材之繁如此

補記

乾隆五十九年十月附城紳士宗宣等公稟監生胡敏在  
段店嶺採挖石煤地爲縣城龍脈所關久經封禁不宜傷  
鑿當卽勘明自青條嶺向南坡嶺俱屬縣治來縣飭諭胡  
敏具結停工嗣後採煤止許在段店連東一帶其段店  
暨嶺南嶺北永禁開挖

魯山縣志卷十一

原任山東博山縣知縣偃師武億

同墓

魯山縣知縣餘杭董作棟

地理志

塋墓

魯陽公墓

太平寰宇記魯陽公墓在露山東北五里去縣二十五里  
路史國名紀魯有魯陽公墓

河南通志魯陽公墓在魯山縣城西北二里墓有石碑止  
存四字

汝州志魯陽公墓在城西北三里淮南子覽冥訓內載魯

陽公與韓搆難戰酣日暮援戈而揮之日爲之退三舍又考一統志載魯陽公墓在邑大古城西北二里許

徐志魯陽公墓城西北三里明一統志墓在大古城西北二里許有石碑止存四字

尹儉墓

水經注漢安邑長尹儉墓東冢西有石廟廟前有兩石闕闕東有碑闕南有二獅子相對南有石碣二枚石柱西南有兩石羊中平四年立

元結墓

顏真卿撰元次山墓誌銘大厯四年夏四月拜左金吾衛

將軍兼御史中丞日年春正月朝京師不幸遇疾夏四月

庚午薨于永崇坊之旅館春秋五十二子以方以明以其  
年冬十一月壬寅皮葬君子魯山青嶺泉陂原禮也

### 武珍墓

續河南通志武珍墓在魯陽西郊王棚里珍字美玉太原  
人志節危峻韜畧精明拜守尉司禦府陝州大都督上柱  
國子素字表徵少穎俊孝義授經畧副使父子同葬于此  
孟良墓

河南通志孟良墓在魯山縣城北三十里青條嶺隣元次  
山墓

### 孔昭亮墓

王荆公文集孔處士墓誌銘先生諱收尙書都官員外郎

諱昭亮之子後云弟瞻葬先生于堯山都官之兆

案堯山都官之兆卽昭亮墓域也收附葬于此舊志惟知載處士墓而遺其先塋不書是其疎矣


### 孔收墓

王荆公集孔處士墓誌銘先生諱收字寧極睦州桐廬縣尉諱詢之曾孫贈國子博士諱延沼之孫尚書都官員外郎諱昭亮之子自都官而上至孔子四十五世先生嘗欲舉進士已而悔曰吾豈有不得已于此耶遂居于汝州之龍興山而上葬其親於汝汝人爭訟之不可平者不聽有司而聽先生之一言不羞犯有司之刑而以不得于先生爲耻慶曆七年詔求天下行義之士而守臣以先生薦



於是朝廷賜之米帛又勅州縣除其雜賦嘉祐三年近臣  
多言先生有道德可用而執政度以爲不肯屈除守秘書  
省校書郎致仕四年近臣又多以爲言乃召以爲國子監  
直講先生辭乃除守光祿寺丞致仕五年大臣有請先生  
爲其屬縣者于是天子以知汝州龍興縣事先生又辭辭  
未聽而六月某日先生終于家年六十七大臣有爲之請  
命者乃特贈太常丞至七年月日翁塋葬先生于堯山都  
官之兆而以夫人李氏祔李氏故大理評事昌符之女生  
一女嫁爲士人妻而先物故先生事父母至孝居喪如禮  
遇人恂恂雖僕奴不忍以辭氣加焉衣食與田桑有餘輒  
以贖其鄉里貸而後不能償者未嘗問也未嘗疑人人亦

以故不忍欺之而世之傳先生者多異學士大夫有知而能言者蓋先生孝弟忠信無求于世足以使其鄉人畏服之如此而先生未嘗爲異也先生博學尤喜易未嘗著書獨大衍一篇傳于世考其行殆非有得于內其孰能致此耶當漢之東徙高守節之士而亦以故成俗故當世處士之聞獨多于後世乃至於今知名爲賢而處者蓋亦無百十人豈世之所不尙遂湮沒而無聞抑士之趨操亦有待于世耶若先生固不爲有待于世而卓然自見于時豈非所謂豪傑之士者哉其可銘也已銘曰有入而不出以身易物有往而不反以私其佚嗚呼先生好潔而無私其佚



鄧順墓

河南通志墓在魯山縣坊郭保順禮部侍郎

案通志于人物內載鄧順仕至禮部郎中與侍郎異

薛昇墓

徐志先世居晉之垣曲明初家于魯東南大寧鄉由歲貢  
應官山東承宣布政司左布政卒葬于商餘口

袁愷墓

徐志縣南十五里袁家寨祖墓在城南一里

賈欽墓

通志在魯山縣北高原欽山西僉事

燕儒官墓

徐志在城西北白象店

二 賀墓

徐志賀一孝及承芳同在城南二十里射坡頭

王璽墓

徐志在西關元帝廟后

宗順墓

徐志在縣東高家營

陳增墓

徐志由行伍初授江西鉛山縣守備後陞陝西秦州左都督管叅府事 誥封榮祿大夫墓在城西南二十五里南

子營

許傑墓

徐志由行伍歷仕陝西平涼府左都督管遊擊事

諡即封

榮祿大夫墓在城北七里黑山頭

續考墳墓

歷城縣知縣高舉墓

案高氏先塋在城西狹溢正德五年別遷葬舉于虎世平之陽見墓表今墓在城西俞家堂

寧國府檢校李輔墓

袁冕撰李輔墓表銘正德十六年十二月殯于沙河南山之祖塋

案墓今在縣西南陳家樓東李氏塋

鳳縣令袁汝霖墓

張希周撰袁汝霖墓表嘉靖二十五年十一月十九日歸  
附于大父克忠父昂墓側

案墓在今縣西關袁氏塋

平定州儒學訓道袁汝瀚墓

甄成德撰袁汝瀚墓表與汝霖同塋域

遼府紀善江霞山墓

賀一孝撰江霞山墓表銘葬于嘉靖三十五年仲冬八  
日墓在邑城南僅里許

源縣教諭賈文卿墓

趙友禮撰賈文卿墓表銘萬曆十年壬午三月十二日歸

口于縣東南青楊湖

案墓在今縣城東南郭家庄賈氏塋

徽郡丞李好問墓

賀一孝記李好問墓表萬曆十三年十二月葬墓東于先塋二里許

案墓在今縣城東南吳家庄

慶陽府經歷李思睿墓

劉廣生撰李思睿墓表銘萬曆丁未春三月念之二日葬于白象保之先塋原

案墓在今縣城西北俞家堂西北李氏塋



案墓在城東北郭家店北有碑殘損云子三長欽成化辛未進士山西按察司僉事天啓元年立

國朝

金華府同知曹鳴鶴墓

吳治日撰曹鳴鶴墓表銘順治六年葬

案墓在今縣東北曹氏塋

寧波府知府蔣敷墓

案墓在傅林庄碑云葬縣治之東南三十里澗水之北二里許其孫言立墓碑現存

山西洪洞縣知縣栗民梁墓

案墓在今縣城西師家溝東嶺上栗氏塋

晉山縣志卷十一  
七  
哀烈婦墓

案墓在城東南段家庄西北有碑

續補

元延祖別塚

元尙野蘇墳記元貞改元知州元公叔儀遺山之子云吾元氏世居太原春陵府君別塚魯商餘次山從葬其處

案次山不從葬商餘山顏魯公墓碑云葬青嶺泉陂原今墓尚存元叔儀所稱誤也

附論衡感虛篇傳書言魯襄公與韓戰戰酣日暮公援戈而麾之日爲之反三舍此言虛也凡人能以精誠感動天專心一意委務積神精通於天天爲變動然尙未可謂然

襄公志在戰爲日暮一麾安能令日反使聖人麾日日終  
不反襄公何人而使日反乎鴻範曰星有好風星有好雨  
日月之行則有冬有夏月之從星則有風雨夫星與日月  
同精日月不從星星輒復變明日月行有常度不得從星  
之好惡也安得從襄公之所欲星之在天也爲日月舍猶  
地有郵亭爲長吏廨也二十八舍有分度一舍十度或增  
或減言日反三舍乃三十度也日日行一度一麾之間反  
三十日時所在度也如謂舍爲度三度亦三日行也一麾  
之間令日却三日也宋景公推誠出三善言熒惑徙三舍  
實論者猶謂之虛襄公爭鬪惡日之暮以此一戈麾無誠  
心善言日爲之反殆非其意哉且日火也聖人麾火終不

能卻襄公麾日安能使反或時戰時日正卯戰迷謂日之  
暮麾之轉左曲道日若卻世好神怪因謂之反不道所謂  
也

案魯襄公卽魯陽公襄陽聲相近揮戈返日事涉誣誕王  
充已有緒論至若徐志云意戰酣時陰雲變難若將夜然  
怒而揮之適際其霽尤屬無根不若取舊說爲愈也

原任山東博山縣知縣偃師武億

同纂

魯山縣知縣餘杭董作棟

典祀志

上祀

社稷壇

河南通志魯山縣

社稷壇在西門外

會典

社稷壇每歲

春秋

仲月上戊日祭

中祀

先師孔子廟

會典直省府州縣歲以

春秋

仲月上丁祭

先師於類宮以正官將事佐貳分獻監禮以師儒贊引執事以生員將事之儀均如

太學丁祭禮又每年二月八月上丁日致祭如遇有事改次丁或下丁通行府州縣衛各學遵行

四配

十二哲

兩廡

崇聖宮

文昌宮

文昌閣

奎樓並同日祭

徐志

先師聖誕八月二十七日致祭

先農壇

河南通志

先農壇在城東

會典直省督撫及所屬府州縣衛各于所治地方擇潔淨之地設立

先農壇及耜田自雍正五年爲始每歲仲春亥日各率所屬官以及耆老農夫致祭

先農之神照九卿耕藉行九推之禮

神祇壇

河南通志

風雲雷雨山川壇在小南關外

會典載直省府州縣

社稷風雲雷雨山川諸神以

春秋

仲月上戊日致祭繫地方正

印官主祭前期卽令主祭官於教職內委監禮官二人佐

貳雜職內委監視祭品官一人令其虔誠執事雍正三年

議准直省府州縣

神祇壇設

雲雨風雷位於中設



山川位於左稱某府州縣境內

山川之神設

城隍位於右稱某府州縣

城隍之神

羣祀

關帝廟

河南通志

關帝廟在西大街雍正元年追封另立祠祀

會典直省府州縣春秋二仲及仲夏中旬三日均祀

關帝雍正三年議准

勅封關帝

曾祖爲光昭公

祖爲裕昌公

父爲成忠公製造神牌安奉後殿於五月致祭外增

春秋二祭

忠義祠

河南通志

忠義祠在學宮內

節孝祠

河南通志

節孝祠在城內南街

名宦祠

鄉賢祠

會典直省府州縣附廟左右各建

忠義節孝各宦鄉賢四祠歲

春

釋奠禮畢教諭一人公服

祠致祭各帛一羊一豕一豮四豆四尊一爵三讀祝燎承  
祭官行叩禮如儀

案各宦祠依徐志所載鄺道元道約樂連元德秀歐陽詹  
魯弼王文政王義董德昭朱警俞永張釗楊俊顧達張斗  
樞范廷弼楊呈芳范志懋鮑韜凡十九人樂運歐陽詹皆  
不官此而魯公弼雙名訛作單名李警訛作朱警皆宜釐  
正式昭虔慎鄉賢與祀者張宗延篤樊英元結牛臯袁愷  
賈欽劉茂燕儒宦賀一孝王璽賈蔚然賀承芳陳維明子  
襄九附忠義與祀者張宗元結及明宗順尹德懋李淳儒

申嵩秀劉茂賈士宏袁麟瑞蕭九仞節孝與祀者賢孝苦  
節江宗氏賢孝苦節袁宗氏殉夫烈節朱于氏守正烈節  
陳趙氏守正烈節宗江氏守正烈節程袁氏守正烈節馬  
袁氏守正烈節詹毛氏守正烈節常李氏守正烈節陳吳  
氏守正苦節栗宗氏守正苦節蕭李氏守正苦節賀羅氏  
守正苦節蕭李氏守正烈節女李氏賢孝苦節趙王氏賢  
孝苦節趙李氏賢孝苦節楊李氏

厲壇

河南通志厲壇在城北

會典直省府州縣歲清明節七月望十月朔日祭厲壇於城  
北郊前期守土官飭所司具香燭公服詣

城隍廟以祭厲告本境

城隍之神黎明禮生奉請

城隍神位入壇引守土官公服詣

神位前跪興如儀退禮生仍奉

城隍神位還

廟各退

城隍廟在東門內

旗纛廟在東關

龍神廟在南關東南雍正五年奉

旨京師裝塑神像各省遣官迎請崇祀

火神廟在養濟院巷

八蜡廟在東關

東嶽廟在東關

文昌祠在南門內

三聖廟在孫村保祀堯舜禹

案諸神祠並見河南通志

東壇八蜡之神

徐志

春

上戊日祭乾隆三年以劉猛將軍配享

案翟灝通俗編引汪沆識小錄劉猛將軍相傳神劉銳卽  
宋將劉錡弟歿而爲神驅蝗江淮間有功

案

國朝雍正十二年

詔有司歲冬至後第三戊日及正月十三日祭徐志作乾  
三年未審所據

衙神

徐志舊在縣治西今移於縣治大門內東偏

案衙神相沿以每歲六月二十三日祭

火神

徐志六月二十三日祭

芒神

徐志每歲立春日祭

旗纛

徐志端午霜降日兩祭

案旗纛相沿皆以霜降日祭此作端午未審所據

東嶽廟

徐志每歲三月二十八日祭

馬王廟在縣治大門內西偏

徐志不載今相沿以六月二十三日祭

案徐志以

文廟列於諸神祀之先又以先農之神在社稷之神先昧於典制舛誤尤甚今依

會典上祀中祀羣祀序列如右昭虔致恪當視諸此附乾隆八年部頒祭文

風雲雷雨山川城隍祭文



惟神奠安九土粒食萬邦分五色以表封圻育三農而  
稼穡忝承守土肅展明禋時屆仲春敬修祀典庶九九松  
栢鞏磐石於無疆翼翼忝苗佐神倉於不既尙饗

### 文廟祭文

維

先師德隆千聖道冠百王揭日月以常行自生民所未有屬  
文教昌明之會正禮和樂節之時倅雍鐘鼓咸恪薦於馨  
香泮水膠庠益致嚴於邊豆茲當春仲秋祇率彝章肅展微

忱聿將祀典尙饗

### 孔子三代五王祭文

惟王奕葉鍾祥光開聖緒盛德之後積久彌昌凡聲教所

覃敷率循源而溯本宜肅明禋之典用申守土之忱茲屆

仲春聿修祀事尙饗

文昌閣祭文

惟神神功赫奕聖德昭明位分天象職司台衡朱衣赤舄  
耀於七星贊元開化啓秀育英普天欽仰斯文丕興今屆

仲春虔薦豆登尙饗

奎樓祭文

惟神七星冠首六合承輝德耀青陽祐人才之奮起祥開  
紫電煥文運之光昌天象照臨士林忭慶敬修禮祀肅展

徵忱尙饗

先農壇祭文

惟神肇興稼穡粒我蒸民頌思文之德克醜彼天念  
之功陳常時夏茲當東作咸服先疇洪惟九五之尊歲  
三推之典恭膺守土敢忘勞民謹奉奠章聿修祀事惟願  
五風十雨嘉祥恒沐於神庥庶幾九穗雙岐上瑞頻書於  
大有尙饗

風雲雷雨山川城隍祭文

惟神贊襄天澤福佑蒼黎佐靈化以流形生成永賴乘氣  
機而鼓盪溫肅攸宜磅礴高深長保安貞之土憑依鞏固  
實資捍禦之功幸民俗之殷盈仰神明之庇護恭修歲祀  
正值良辰敬潔豆籩祇陳牲幣尙饗

關帝祭文

惟

帝浩氣凌霄丹心貫日扶正統而彰信義威振九州完大節  
以篤忠貞名高三國神明如在徧祠宇於寰區靈應丕昭  
薦馨香於歷代屢徵異蹟顯佑羣生恭值良辰遵行祀典  
筵陳籩豆几奠牲醪尙饗

關帝先代三公祭文

惟公世澤貽庥靈源積慶德能昌後篤生神武之英善則  
歸親宜享尊崇之報列上公之封爵錫命優隆合三世以  
肇禋典章明備恭逢諏吉祇事薦馨尙饗

忠義祠祭文

惟靈稟賦貞純躬行篤實忠誠奮發貫金石而不渝義勇

宣昭表鄉閭而其式祇事懋夔倫之大性擊蒿我克共心  
天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳簠簋來格几筵  
尚饗

節孝祠祭文

惟靈純心皎潔令德柔嘉矢志完貞全閨中之亮節竭誠  
致敬彰壺內之芳型茹水蘂而彌堅清操自勵奉盤匱而  
匪懈篤孝傳徽

絲綸特沛乎殊恩祠宇昭垂於令典祇循歲事式薦尊醪尚  
饗

龍神祭文

惟神德洋寰海澤潤蒼生允襄水土之平經流順軌廣濟  
泉源之用膏雨及時績奏安瀾占大川之利涉功資育物  
欣庶類之蕃昌仰藉神庥宜隆報享謹遵祀典式協良辰  
敬佈几筵肅陳牲醴尙饗

八蜡神祭文

於惟尊神實司歲功驅螿歛螽五穀乃豐茲當歲禴虔其  
犧牲神其保佑惠此生靈尙饗

劉猛將軍祭文

惟神上贊帝德下惠生民時和年豐蝻蝻不興茲值歲暮  
式薦明馨神其昭格庶幾鑒歆尙饗

旗纛祭文

惟神旗纛是司三軍所視威揚闔外疆圉是恃霜露旣降  
仰答膚功神其有靈歆此菲供尙饗

案諸神祇遇祭期向未有祝文皆臨時取辦率爾致詞亦  
失祭告之義今具錄如右

魯山縣志卷十二終



魯山縣志卷十三

原任山東博山縣知縣假師武 億

同纂

魯 山

縣知縣餘抗重作棟

田賦志

賦役全書載魯山縣

原額人丁二萬五千丁

原額丁銀因無賦役無憑稽查內除

逃亡人丁一萬六千一百二十一丁

乾隆三十六年奉文編審

盛世滋生戶口人丁四千一十七丁永不加賦

見在征賦人丁四千八百五十二丁內分

下上丁四百六十九丁每丁派銀二錢七分共銀一百一十六兩六錢三分

下中丁一千九百五十九丁每丁派銀一錢八分共派銀三百五十一兩六錢二分

下下丁二千四百二十四丁每丁派銀九分共派銀一百一十八兩六錢六分

以上共派丁銀六百九十七兩四錢一分遵照雍正十二年十二月初四題奉部覆就一邑之丁糧均派於本邑地糧之內無論貧富戶不分等則一例輸將計畝按每地一兩該攤派丁銀六分六釐九毫一絲三忽一微六纖八沙

八埃三渺六灰

原額三等其地六千八百四十三頃二十三畝

原額銀一萬六千四百五十九兩六錢六分二釐每畝增九釐原額銀六千一百五十八兩九錢七釐

二項共原額銀二萬二千六百一十八兩五錢六分九釐  
內分

原額上地四百三十二頃七十四畝二分八釐五毫二絲  
原額銀一千九百八十九兩八錢一分四釐

原額中地一千八百六十六頃六十七畝七分四釐九毫  
五絲三忽

原額銀七千一百五十二兩七錢九釐

原額下地四千五百四十三頃八十畝九分六釐五毫二

絲七忽

原額銀一萬三千四百七十六兩四分五釐

順治三年正月內巡按竄具題奉

百免荒

除荒蕪無主上地四百二頃八十一畝五分五釐二毫七絲

除荒銀一千八百五十二兩二錢四釐

除荒蕪無主中地一千六百八十四頃六十七畝八分一

釐三毫二絲三忽

除荒銀六千四百五十五兩三錢二分七釐

除荒蕪無主下地一千五百四十二頃八十六畝一分一

釐九毫九絲七忽

除荒銀四千五百七十五兩九錢九分一釐又

乾隆元年九月內撫部院富具題奉

旨豁免河水冲刷石子其民下地三頃六十七畝二分八釐

除荒銀一十兩八錢九分三釐

以上除荒並豁免其地三千六百三十四頃二畝七分七

釐五毫九絲

除荒並豁免其銀一萬二千八百九十四兩四錢一分五釐

見種行糧成熟其地三千二百九頃二十畝二分二釐四

毫一絲內除

康熙七年起至雍正十三年止勸墾並自首入額共地二千七十二頃三十四畝三釐五毫一絲內分

上地一頃五十六畝二分四釐四毫每畝應照賦役則例派銀四分五釐九毫八絲一忽四微四纖三沙

該派銀七兩一錢八分四釐

中地四頃九十四畝七分四釐七毫每畝照依賦役則例派銀三分八釐三毫一絲七忽八微六纖三沙八塵四埃該派銀一十八兩九錢五分八釐

下地二千六十五頃八十三畝四釐四毫一絲

該派銀六千一百二十六兩七錢三分

以上共派銀六千一百五十二兩八錢七分二釐又該利

征銀四百五十一兩三分

二項共派銀六千六百三兩九錢二釐用充兵餉

該攤派丁銀四百四十一兩八錢八分八釐

實在應征起存倉口成熟地一千一百三十六頃八十六

畝一分八釐九毫內分

上地二十八頃三十六畝四分八釐八毫五絲

該派銀一百三十兩四錢二分六釐

中地一百七十七頃五畝一分七釐九毫三絲

該派銀六百七十八兩四錢二分五釐

下地九百三十一頃四十四畝五分二釐一毫二絲

該派銀二千七百六十二兩四錢三分

以上三色熟地共派銀三千五百七十一兩二錢八分一釐內除紳衿吏停免糧石銀二百二十九兩一錢二分另行扣解

實征地銀三千三百四十二兩一錢六分一釐

該攤派丁銀二百五十五兩五錢二分二釐

丁地二項共銀四千三十九兩五錢七分一釐

一折色起運原額銀一萬四千三百七十九兩七錢七分二釐

除荒征銀二千四百一十七兩一錢二分內有

存留項下裁扣裁剩並應裁雜款共原額銀一千一百一十七兩八錢一分五釐



除荒實征銀二百二十七兩七錢六分五釐

輕折實折原額銀一百四兩

除荒實征銀二十一兩二錢一釐

折蓆原額銀一十五兩九錢九分

除荒實征銀三兩二錢五分八釐

外扣解停免糧銀二百二十九兩一錢三分

一本色起運原額銀四千三百六十一兩七錢一分三釐

除荒實征銀八百九十一兩七錢六分一釐又奉部文外

補征漕耗銀米並臨德二倉耗米蓆葦及棉布價值共銀

二百四十七兩四錢三分一釐照依本年行糧熟地不分

等則每畝地派銀二釐一毫七絲六忽四微三纖一沙一

塵九埃

戶部本色起運正兌原額米一千三百石每石價銀八錢  
原額銀一千四十兩

除荒實征米二百六十五石七合四勺

除荒實征銀二百一十二兩六釐

外二五加耗原額米三百二十五石

除荒實征米六十六石二斗五升一合八勺

改兌原額米三千二百六十八石五斗每石價銀八錢

原額銀二千六百一十四兩八錢

除荒實征米六百六十五石九斗八升八合二勺

除荒實征銀五百三十二兩七錢九分

外一七加耗原額米五百五十五石六斗四升五合

除荒實征米一百一十三石二斗一升八合

以上正改兌漕米遵照部文每漕米一百石加運耗銀五兩米五石查本縣其該實征漕糧正米九百三十石九斗九升五合六勺該加潤耗銀四十六兩五錢五分該加潤耗米四十六石五斗五升每石價銀八錢其該價銀三十七兩二錢四分其該補征銀八十三兩七錢九分又照部文正耗漕米每石價銀八錢一例編征查本縣其該實征正耗漕米一千一百一十石四斗六升五合四勺其該價銀八百八十八兩三錢七分二釐除照賦役內舊例實征正米價銀七百四十四兩七錢九分六釐仍該補征耗米

價銀一百四十三兩五錢七分六釐

臨清倉奉文改撥運軍行糧原額米七十九石五斗每石  
價銀八錢

原額銀六十三兩二錢四分

除荒實征米一十六石一斗六合九勺

除荒實征銀一十二兩八錢八分六釐

外加一耗原額米七石九斗五合

除荒實征米一石六斗一升七勺遵照部文照依正米價  
銀每石價銀八錢該補征銀一兩二錢八分九釐

又補征隨糧席葦銀二錢八分三釐

德州倉奉文改撥運軍行糧原額米八百石每石價銀八

錢

原額銀六百四十兩

除荒實征米一百六十三石七合七勺

除荒實征銀一百三十兩四錢六釐

外加一耗原額米八十石

除荒實征米一十六石三斗八升遵奉部文照依正米價銀每石八錢該補征銀一十三兩四分一釐

本色棉布九疋一十六尺實征額價銀三兩六錢七分三釐內

改折布一疋二十二尺四寸遵奉部文照依康熙七年本色布每疋估定時值價銀一兩征解其該征銀一兩九錢

三分三釐除照賦役舊征銀七錢三分四釐仍該補征銀  
一兩一錢九分九釐又于康熙三十年三月內奉文仍解  
本色布七疋一十七尺六寸原估時值每疋價銀九錢三  
分其該銀七兩一錢九分二釐除照賦舊征銀二兩九錢  
三分九釐仍該補征銀四兩二錢五分三釐遵照康熙二  
十四年正月內奉文減定每疋價銀三錢又于乾隆三年  
正月內遵奉部文奏准每疋增價銀三錢五分共價銀六  
錢五分該銀五兩二分七釐又每疋鋪墊銀五分  
其該鋪墊銀三錢八分七釐

該扣餘剩並腳價銀一兩七錢七分八釐

一存留其原額銀三千八百七十七兩八分四釐

除荒實征銀七百三十兩六錢九分內分

一修理

龍亭文廟並各上司及本縣經費原額銀一千二百九十六兩

五錢六分

除荒實征銀三百六十五兩一錢九分九釐

河夫原額銀六百一十五兩六錢

除荒實征銀八十七兩一錢九分

協濟驛站原額銀一千五百一十七兩五錢七分四釐

除荒實征銀二百一十四兩九錢四分一釐

本縣驛站原額銀三百八兩

除荒實征銀四十三兩六錢二分三釐

支發雜項原額銀一百三十九兩三錢五分

除荒實征銀一十九兩七錢三分七釐

以上本縣丁地通其實征起存本折扣解停免並補征漕  
耗銀米及勸墾自首地畝等項其銀一萬一千一百二十  
兩二分四釐

一存留原額銀三千八百七十七兩八分四釐

除荒實征銀七百三十兩六錢九分

一修理

龍亭文廟並各上司及本縣經費原額銀一千二百九十六兩  
五錢六分

除荒實征銀三百六十五兩一錢九分九釐



門斗一名工食原額銀七兩二錢

除荒實征銀一兩二分

一修理

龍亭原額銀一兩

除荒實征銀一錢四分一釐

本縣知縣心紅紙張原額銀二十兩

除荒實征銀二兩八錢三分三釐

修理監倉原額銀二十兩

除荒實征銀二兩八錢三分三釐

本縣縣丞俸原額銀四十兩

除荒實征銀五兩六錢六分五釐

門子一名工食原額銀六兩

除荒實征銀八錢五分

皂隸三名工食原額銀二十四兩

除荒實征銀三兩三錢九分九釐

喂馬夫一名工食原額銀六兩

除荒實征銀八錢五分

燈夫四名工食原額銀二十四兩

除荒實征銀三兩三錢九分九釐

修理

文廟原額銀一十兩

除荒實征銀一兩四錢一分六釐

本縣知縣俸原額銀四十五兩

除荒實征銀六兩三錢七分四釐

門子二名工食原額銀一十二兩

除荒實征銀一兩七錢

皂隸十六名工食原額銀九十六兩

除荒實征銀一十三兩五錢九分七釐

馬快手八名工食原額銀四十八兩

除荒實征銀六兩七錢九分八釐

喂馬草料原額銀八十六兩四錢

除荒實征銀一十二兩二錢三分七釐

民壯五十名工食原額銀三百兩

除荒實征銀四十二兩四錢九分一釐

酌存民壯二十三名工食原額銀一百三十八兩

除荒實征銀一十九兩五錢四分四釐

奉裁二十七名工食原額銀一百六十二兩

除荒實征銀二十二兩九錢四分七釐

看監禁卒八名工食原額銀四十八兩

除荒實征銀六兩七錢九分八釐

庫夫四名工食原額銀二十四兩

除荒實征銀三兩三錢九分九釐

斗級四名工食原額銀二十四兩

除荒實征銀三兩三錢九分九釐

輪傘扇夫七名工食原額銀四十二兩

除荒實征銀五兩九錢四分九釐

添設巡檢一員俸原額銀三十一兩五錢二分

弓兵三十名工食原額銀二百八十兩照額全支

本縣典史俸原額銀三十一兩五錢二分

除荒實征銀四兩四錢六分四釐

門子一名工食原額銀六兩

除荒實征銀八錢五分

皂隸四名工食原額銀二十四兩

除荒實征銀三兩三錢九分九釐

馬夫一名工食原額銀六兩

除荒實征銀八錢五分

本縣儒學訓導俸原額銀三十一兩五錢二分

除荒實征銀四兩四錢六分四釐

喂馬草料原額銀一十二兩

除荒實征銀一兩七錢

齋夫三名工食原額銀三十六兩

除荒實征銀五兩九分九釐

膳夫二名工食原額銀四十兩

除荒實征銀五兩六錢六分五釐

門斗二名工食原額銀一十四兩四錢

除荒實征銀二兩四分

一河夫一百七十一名工食原額銀六百一十五兩六錢  
除荒實征銀八十七兩一錢九分

一協濟驛站原額銀一千五百一十七兩五錢七分四釐  
除荒實征銀二百一十四兩九錢四分一釐

協濟甘棠驛原額銀一千四百五十兩

除荒實征銀二百五兩三錢七分

協濟甘棠驛館夫工食原額銀六十七兩五錢七分四釐  
除荒實征銀九兩五錢七分一釐

一本縣驛站原額銀三百八兩

除荒實征銀四十三兩六錢二分三釐

走遞馬六匹驛四頭草料原額銀一百八十兩

除荒實征銀二十五兩四錢九分四釐

送文批馬夫四名工食原額銀四十八兩

除荒實征銀六兩七錢九分八釐

喂馬夫四名工食原額銀二十四兩

除荒實征銀三兩三錢九分九釐

塘報馬夫一名工食原額銀六兩

除荒實征銀八錢五分

走遞排夫十名工食原額銀五十兩

除荒實征銀七兩八分二釐

一支發雜項原額銀一百三十九兩三錢五分

除荒實征銀一十九兩七錢三分七釐



新進生員花紅彩旗原額銀二兩二錢五分

除荒實征銀三錢一分九釐

學道考試生員試卷餽餅原額銀三兩

除荒實征銀四錢二分五釐

學道考試一二等生員賞號銀四兩九錢

除荒實征銀六錢九分四釐

州縣考試童生餽餅原額銀二兩

除荒實征銀二錢八分三釐

考中貢生赴京盤費原額銀一十兩

除荒實征銀一兩四錢一分六釐

考中貢生旗匾原額銀二兩

除荒實征銀二錢八分三釐

舉人坊牌原額銀一十五兩

除荒實征銀二兩一錢二分五釐

進士坊牌原額銀一十五兩

除荒實征銀二兩一錢二分五釐

時憲書原額銀一兩二錢

除荒實征銀一錢七分

文廟並各壇祭祀原額銀三十三兩

除荒實征銀四兩六錢七分四釐

鄉飲酒席原額銀三兩

除荒實征銀四錢二分五釐

在城四路舖司兵八名工食原額銀四十八兩

除荒實征銀六兩七錢九分八釐

倉庾

常平倉嘉慶元年額貯穀一萬八千七百七十七石九斗八升

義社倉嘉慶元年額貯穀二百二十二石二升又溢額穀四百八十九石三斗

勸捐民社倉嘉慶元年額貯穀一萬六千九百五十四石九斗零

鹽課

徐志載鹽法自康熙三十年至乾隆二年俱係商人行運

今依五十七年鹽課改歸地丁魯山應額征地丁銀一萬  
一千一百二十兩二分四釐每正糧一兩派鹽課銀一錢  
三分其鹽課銀一千四百四十五兩六錢三釐不加耗羨  
遇閏不加閏

魯山縣志卷十四

原任山東博山縣知縣偃師武億

同纂

魯山縣知縣餘杭董作棟

兵防志

府兵

郭敬之家廟碑陰子儀改汝州魯陽府折衝知右羽林軍長上

新唐書地理志汝州有府四曰龍興魯陽梁川郟城

玉海唐十道置府河南道汝州有府四曰龍興至郟城

案魯陽置府屬東都近畿設以魯陽爲下府雖不滿千人亦同中府當置兵千人官有折衝都尉左果毅都尉右果

毅都尉兵曹一人別將一人今可見者惟子儀爲魯陽府折衝而已

府兵之制

通典折衝府

果毅別將等附

隋初左右衛左右武衛左右武侯各

領軍鄉坊團以統戎卒開皇中置驃騎將軍府每府置驃

騎車騎二將軍大業三年改驃騎府爲鷹揚府改驃騎將

軍爲鷹揚郎將改車騎將軍爲鷹揚副郎將

五年又以鷹揚副郎將爲

鷹擊郎將

九年別置折衝果毅及武勇雄武等郎將官以統領

驍果大唐武德初猶有驃騎府及驃騎車騎將軍之制武

德七年乃改驃騎爲統軍車騎爲別將貞觀十年復採隋

折衝果毅郎將之名改統軍爲折衝都尉別將爲果毅都

尉魏有折衝將軍後周有威議別將官其各因此其府多因其地各自爲名無鷹

揚之號凡五百七十四府分置於諸州而名隸諸衛及東

宮率府各領兵滿一千二百人爲上府兩京城內雖不滿此數亦同上府

千人爲中府兩畿及岐同華懷陝等五州所管府雖不滿此數亦同中府八百人爲下

府每府置折衝都尉一人掌領校尉以下宿衛及衛士以上總判府事左右果

毅都尉各一人掌通判春秋傳曰戎昭果毅又曰殺敵爲果致果爲毅隋煬帝始置後改將爲之

別將一人不判府事若無兵曹以上卽知府事初別將旣改爲果毅而府中有長史員聖曆三年廢長史

置別將一員後通判載初長史一人元年置兵曹一人判府事付又兼置長史

甲給以下小吏各有差若校校尉六人尉以下惟人數置之比府在赤縣爲赤

府在畿縣爲畿府衛士以三百人爲團團有校尉五十人

爲隊隊有正十人爲火火有備六馱馬驢初置八馱後改爲六米糧

介冑戎器鍋幕貯之府庫以備武事每歲十一月以衛士  
帳上于兵部以候徵發天下衛士向六十萬人初置以成  
丁而入六  
十出役其家不免征徭遂漸  
逃散年月漸久逃死者不補  
天寶八年五月停折衝府以  
無  
兵可  
校之  
十一年八月改諸衛士爲武士

新唐書兵志貞觀十年更號統軍爲折衝都尉別將爲果  
毅都尉諸府總曰折衝府凡天下十道置府六百三十四  
皆有名號而關內二百六十有一皆以隸諸衛凡府三等  
兵千二百人爲上千人爲中八百人爲下府置折衝都尉  
一人左右果毅都尉各一人長史兵曹別將各一人校尉  
六人士以三百人爲團團有校尉五十人爲隊隊有正十  
人爲火火有長火備六馭馬凡火具烏布幕鐵馬孟布櫛



鋪鑿鑿確筐斧鉗鋸皆一甲牀二鎌二隊具火鑽一胸馬  
繩一首鞬足絆皆三人具弓一矢三十胡祿橫刀礪石大  
觜戎具於庫有所征行則視其人而出給之

鄴侯家傳

玉海引

隋鷹揚府皇朝改爲折衝府折衝樽俎之

間旋師祗席之上也改郎將爲都尉又置果毅都尉二人  
爲之副及別將一人全府召發則折衝都尉已下偕行不  
盡則果毅行少則別將行每發及皆下符契於本州及府  
刺史與折衝勘契而發之而給其食券至幕所期處驗其  
藝非精十不教習則罪其折衝甚則加罪州牧有功而回  
入塞便道策勲加賞而罷之

義軍

元結表募碑銘充山南東道節度叅謀仍於唐鄧汝蔡等州招緝義軍山棚高冕等率五千餘人一時歸附大壓賊境於是思明挫銳

土兵

元史百官志至正十四年五月置南陽鄧州等處毛葫蘆義兵萬戶府募土人爲軍免其差役令討賊自効先是鄉人自相團結號毛葫蘆故因以名之

順帝紀至正十四年立南陽鄧州等處毛葫蘆義兵萬戶府募土人爲軍免其差役令討賊自効因其鄉人自相團

結號毛葫蘆故以名之

大學衍義補今唐鄧山居者以毒藥漬矢以射獸應弦而倒謂之毛葫蘆

案毛葫蘆之制見朶爾直班傳朶爾直班督諸軍復商州乃脩築奉元城壘募民爲兵出庫所藏銀爲大錢射而中的者賞之由是人皆爲精兵金商義兵以獸皮爲矢房狀如瓠號毛葫蘆軍甚精銳列其功以聞賜敕書褒獎之由是其軍遂盛而國家獲其用

屯兵

明史藁兵志河南都司舊有洛陽中護衛後併汝州衛又有伊府儀衛司

案魯山諸營依舊志可考者凡二十二皆隸於汝州衛明

晉山縣志卷十四  
四  
史兵志天下既定度要害地係一郡者設所連郡者設衛  
大率五千六百人爲衛千一百二十人爲所汝之設衛蓋  
仿此制

徐志汝州長營舊碑文有云洪武二十五年某月日太祖  
高皇帝御左順門諭指揮葛川伊王于明年出閤河南你  
可先于五百里地內屯種多種小麥以便家口就食葛川  
遂奉命于汝州襄城魯山郊葉等處屯種設百戶二十典  
儀所六

案明史伊王傳伊厲王模太祖第二十五子洪武二十一

年生四年封永樂六年之藩洛陽考長營碑亦載二十

五年云明年出閤蓋是時方六歲必未能就藩故史以

爲永樂六年之藩洛陽是也徐志稱自洪武二十五年伊藩就封立屯伊府不審考故也

徐志城北毛家營離城五里

城東三里營三里詹家營七里東詹家營二十五里柳樹營二十八里徐家營三十里清水營二十五里

城東南柳營三里胡家營十八里朱家營三十里陳家營三十二里葉小營三十里紀家營三十二里王家營三十五里曹家營三十六里滾子營四十里蕭家營五十五里張官營六十里梁官營六十里洪官營六十五里毛家營六十五里高家營七十里

案李正儒撰崔兵憲永德祠記云公檄汝州衛精悍卒千

餘其時當萬厯癸巳衛卒猶副用如是

鄉兵

明史稿明鄉兵所在多有河南嵩縣曰毛葫蘆長於走山習短兵

僧兵推少林次則伏牛伏牛學於少林以禦獷盜者

案魯山西境與嵩縣毗連南與鄧州相望毛葫蘆兵當時鄉衆團結亦必有此志文特未悉書今據崔應麒保魯去思碑調指揮武舉武生暨官軍僧毛兵若干數分鎮要害此已用之效也僧兵推少林次則伏牛伏牛出縣西境之外古亦魯山壤地也陔餘叢考崇禎中史記言知陳州以流賊充斥乃募士聘少室僧訓練之蓋僧兵借以禦寇明

季遍州縣皆習之矣

案韓昌黎與鄂州柳中丞書召募土人必得豪勇與賊相熟知其氣力所極無望風之驚愛護鄉里勇於自戰徵兵滿萬不如召募數千蓋古之諳悉軍事者皆選土民以用其良然非素結之以恩信而臨時募顧所謂驅市人而戰之也

附日知錄論少林僧兵

少林寺中有唐太宗爲秦王時賜寺僧教其辭曰王世充明竊非據敢違天常法師等並能深悟幾變早識妙因擒彼兇孽廓茲淨土聞以欣尙不可思議今東都危急旦夕殄除並宜勉終茂功以垂令範是時立功十有三人裴崔

會山縣志卷十四  
少林寺碑所稱志操惠賜曇宗等惟曇宗拜大將軍餘不受官賜地四十頃此少林僧兵所起考之魏書孝武帝西奔以五千騎宿于灑西楊王別舍沙門都維那惠臻負璽持千牛刀以從舊唐書元和十年嵩山僧圓淨與淄青節度使李師道謀反結勇士數百人伏于東都進奏院乘雒城無兵欲竊發焚燒宮殿小將楊進李再興告變留守呂元膺乃出兵圍之賊突圍而出入嵩岳山棚盡擒之宋史范致虛以僧趙宗印克宣撫司參議官兼節制軍馬宗印以僧爲一軍號尊勝隊童子行爲一軍號淨勝隊然則嵩雒之間固世有異僧矣

嘉靖中少林僧月空受都督萬表檄禦倭於松江其徒



十餘人自爲部伍持鐵棒擊殺倭甚衆皆戰死嗟乎能執  
干戈以扞疆場則不得以其髡徒而外之矣宋靖康時有  
五臺僧真寶與其徒習武事於山中欽宗召對便殿命之  
還山聚兵拒金晝夜苦戰寺舍盡焚爲金所得誘勸百方  
終不顧曰吾法中有口回之罪吾旣許宋皇帝以死豈當  
妄言也怡然受戮而德祐之末常州有萬安僧起義者作  
詩曰時危聊作將事定復爲僧其亦有屠羊說之遺意者  
哉

### 弁兵額設

河南通志雍正三年巡撫田文鏡題准經制把總三員原  
防宜陽澠池伊陽新安今改防魯山寶豐伊陽一員

案雍正三年魯山未改經制把總以前設千總一員原防汝州魯山郟縣寶豐今改防汝州郟縣登封

徐志縣署民壯三十名舖兵八名

案民壯原設五十名酌存二十名

巡檢司乾隆四年復設弓兵三十名駐劄西山趙家村

經制把總雍正三年設字識一名親丁三名馬兵四名步兵二十四名

謹案

會典河北鎮標九營各設有馬步弓箭手鳥槍手礮手護礮片刀手各營軍器雖有無不同而緊要通行者已無不備仍令永遠演習不得更換今魯山屬河南營卽鎮標九營之

一也遵守舊章勤身校閱諸營長率責也故謹著于此以  
論爲城守者

關隘

讀史方輿紀要關東諸軍討董卓分道出魯陽而北曹操  
遷車駕都諸許自梁而東晉室濁亂兵戎起于輦轂攘奪  
接于羗胡河洛多故兵鋒每及焉元魏承之以迄周齊爭  
逐之日汝北魯陽朝秦夕楚蓋西不得此則不能得志于  
汝蔡東不得此則不足以爭衡于伊洛也

魯陽城今縣治南戰國時楚邑史記魏武侯十六年伐楚  
取魯陽漢置縣後漢初平初關東諸將討董卓袁術屯魯  
陽旣而孫堅與術合軍二年堅敗卓兵至雒陽還屯魯陽

自是常爲戰守處後魏太和二十年廣州刺史薛法護降于齊時州治魯陽也二十三年魏主之喪自宛北還太子恪至魯陽與喪會乃卽位其後東西魏相爭魯陽尤爲重地通典魯山縣東北十七里有魯城卽高齊所置屯兵以備周處

平高城在州西南十九里杜佑曰宇文周築北以備齊又置三鴉鎮爲戍守重地亦曰平臯城城當三鴉之口韋孝寬謂廣州義旅出自三鴉指此城

魯陽關元和郡縣志魯陽關在向城縣北八十里今鄧汝二州于此分境荆豫徑途斯爲險要張景陽詩云朝登魯陽關狹路峭且深

方輿紀要在縣西南十九里與南陽南召縣分界一名鴉路鎮自昔戍守要地也今詳見南召縣

附南召縣論魯陽關在縣北五十里與魯山縣分界卽三鴉路口也史記趙惠文王九年趙梁將兵與齊合軍攻韓至魯陽關下淮南子魯陽公與韓構難戰酣日暮揮戈日返三舍卽此地也晉太和二年荊州刺史桓豁攻宛拔之燕將趙盤退保魯陽豁追之擒盤太元三年符堅遣兵分道寇襄陽使其將石越等率精騎出魯陽關關控據要險自昔爲必爭之地今爲鴉路鎮有巡司戍守

案水經注滻水又東逕魯陽縣故城南昔在于楚文子守之與韓遊戰有返景之說是與韓接戰在魯陽城不在魯

陽關城當今縣西關當今縣南陔隘亦非戰地顧氏誤証也

案魯陽關始設蓋沿于漢新唐書地理志魯山有漢故關太平寰宇記漢故爲關曰魯陽玉海汝之魯山漢故關卽爲魯陽關也其關設官隋書地理志襄城魯大業初州廢有關官此其徵也

歇馬嶺關在縣西北九十里路出盧氏縣界有巡守司戍守

明史藁地理志魯山有歇馬嶺關在縣西北

明史地理志魯山西北有歇馬嶺關巡檢司

河南通志魯山縣左控露山右涵湯谷

控要

晉書載紀慕容暉傳尙書左丞申紹上疏曰云

云今魯陽

上郡重山之外雲陰之北四百有餘而未可以羈服塞表  
爲平寇之基徒孤危託落令善附內駭宜攝就并豫以臨  
二河通接漕轂擬之邱後重晉陽之戍增南藩之兵戰守  
之備銜以千金之餌蓄力待時可一舉而滅

北史盧柔傳孝武召賀拔勝引兵赴洛勝以問柔柔曰高  
歡託晉陽之甲意寔難知公宜席捲赴都與決勝負存沒  
以之此忠之上策也若北阻魯陽南并舊楚東連兗豫西  
接關中帶甲十萬觀釁而動亦中策也舉三荆之地通欵  
梁國可以庇身功名去矣策之下者勝輕柔年少笑而不

應

周書韋叔裕傳建德之後武帝志在平齊孝寬乃上疏陳  
三策其第一策曰臣在邊積年頗見閒隙不因際會難以  
成功是以往歲出軍徒有勞費功績不立由失機會何者  
長淮之南舊爲沃土陳氏以破亡餘燼猶能一舉平之齊  
人歷年赴救喪敗而反內離外叛計盡力窮傳不云乎讐  
有釁焉不可失也今大軍若出軹關方軌而進兼與陳氏  
共爲犄角并令廣州義旅出自三鵠又募山南驍銳沿河  
而下復遣北山稽胡絕其并晉之路凡此諸軍仍令各募  
關河之外勁勇之士厚其爵賞使爲前驅岳動川移雷駭  
電激百道俱進竝趨虜庭必當望旗奔潰所向摧殄一戎



大定實在此機其第二策曰若國家更爲後圖未卽大舉  
宜與陳人分其兵勢三鴟以北萬春以南廣事屯田預爲  
貯積募其驍悍立爲部伍彼旣東南有敵戎馬相持我出  
奇兵破其疆場彼若興師赴援我則堅壁清野待其去遠  
還復出師常以邊外之軍引其腹心之衆我無宿春之費  
彼有奔命之勞一二年中必自離叛且齊氏昏暴政出多  
門鬻獄賣官唯利是視荒淫酒色忌害忠良闔境熬然不  
勝其弊以此而觀覆亡可待然後乘間電掃事等摧枯其  
第三策曰竊以大周土宇跨據關河蓄席卷之威持建瓴  
之勢太祖受天明命與物更新是以二紀之中大功克舉  
南清江漢西詭巴蜀塞表無虞河右底定唯彼趙魏獨爲

榛梗者正以有事三方未遑東畧遂使漳滏遊魂更存餘  
晷昔勾踐亡吳尙期十載武王取亂猶煩再舉今若更存  
遵養且復相時臣謂宜還崇隣好申其盟約安人和衆通  
商惠工蓄銳養威觀釁而動斯則長策遠馭坐自兼并也  
書奏武帝遣小司寇淮南公元衛開府伊婁謙等重幣聘  
齊爾後遂大舉再駕而定山東卒如孝寬之策

兵事

史記魏世家魏武侯十六年伐楚取魯陽

正義今汝州  
魯山縣也

淮南覽冥訓魯陽公與韓構難戰酣日暮援戈而撝之日

爲之退三舍

魯陽楚  
之縣公

三國志孫堅傳靈帝崩卓擅朝政橫恣京城州郡並興義

兵欲以討卓堅亦舉兵前到魯陽與袁術相見術表堅行破虜將軍領豫州刺史遂治兵於魯陽城當進軍討卓遣長史公仇稱將兵從事還州督促軍糧施帳幔於城東門外祖道送稱官屬竝會卓遣步騎數萬人逆堅輕騎數十先到堅方行酒談笑敕部曲整頓行陣無得妄動後騎漸益堅徐罷坐導引入城乃謂左右曰向堅所以不卽起者恐兵相蹈藉諸君不得入耳卓兵見堅士衆甚整不敢攻城乃引還

堅復與卓兵合戰於陽人大破卓軍梟其都督華雄等是時或間堅於術術惑疑不運軍糧陽人去魯陽百餘里堅夜馳見術畫地計校術踧踖卽調發軍糧堅還屯卓憚堅

猛壯乃遣將軍李傕等來求和親令堅列疏子弟任刺史郡守者許表用之堅曰卓逆天無道蕩覆王室今不夷汝三族縣示四海則吾死不瞑目豈將與乃和親邪復進軍大谷拒雒九十里卓尋徙都西入關焚燒雒邑堅乃前入至雒修諸陵平塞卓所發掘訖引軍還住魯陽

晉載紀慕容暉傳慕容垂爲都督荆揚洛徐兗豫雍益涼秦等十州諸軍事征南大將軍荊州牧配兵一萬鎮魯陽晉南陽督護趙宏以宛降於暉暉遣其南中郎將趙盤自魯陽戍宛至此晉右將軍桓豁攻宛拔之趙盤退奔魯陽豁遣輕騎追盤及於雒城大戰敗之執盤

苻堅傳苻堅遣其尙書令苻丕率司馬慕容暉苻萇等步

騎七萬寇襄陽使楊安將樊鄧之衆爲前鋒屯騎校尉石越率精騎一萬出魯陽關慕容垂與姚萇出自南鄉苟池與彊弩王顯將勁卒四萬從武當繼進大會漢陽

晉西中郎將桓石虔進據魯陽

宋書文帝紀宋元嘉二十七年秋七月庚午遣寧朔將軍玉元謨北伐太尉江夏王義恭出次彭城總統諸軍乙亥索虜碯礮戍委城走冬閏月癸亥元謨攻滑臺不克爲虜所敗退還碯礮辛未雍州刺史隨王誕遣軍攻宏農城克之丙戌又克關城十一月戊子索虜陷鄒山魯陽平二郡太守崔邪利沒

柳元景傳朝廷大舉北討使諸鎮各出軍二十七年八月

誕遣振威將軍尹顯祖出貲谷奮武將軍魯方平建武將軍薛安都署陽太守龐法起入盧氏廣威將軍田義仁出魯陽

魏孝武與齊神武有隙詔賀拔勝出牧荊州柔謂因此可著功績遂從勝之荊州以柔爲大行臺郎中掌書記軍中機務柔多預之及勝爲太保以柔爲掾加冠軍將軍孝武後召勝引兵赴洛勝以問柔曰高歡託晉陽之甲意實難知公宜席卷赴都與決勝負存沒以之此忠之上策也若北阻魯陽南并舊楚東連兗豫西接關中帶甲十萬觀變而動亦中策也

趙剛傳洛陽不守剛遠隔敵中連戰破東魏廣州刺史李

仲備時侯景別帥陸太潁川郡守高沖等衆八千人寇襄城等五郡剛簡步騎五百大破沖等開府李延孫爲長史楊伯簡所害剛擊斬之又攻拔廣州進軍陽翟侯景自鄴入魯陽與剛接戰旬有三日旋軍宜陽

權景宣傳郭賢大統十二年除輔國將軍南州刺史及侯景來附思政遣賢先出三鵝鎮於魯陽加大都督封安武縣子邑四百戶尋進車騎大將軍儀同三司加散騎常侍及潁川被圍東魏遣蠻酋魯和扇動羣蠻規斷鵝路和乃遣其從弟與和爲漢廣郡守率其部曲侵擾州境賢密簡士馬輕往掩襲大破之遂擒魯和旣而潁川陷權景宣等竝拔軍西還自魯陽以東皆附東魏將彭樂因之遂來攻

通賢撫循將士咸爲盡其力用樂不能克乃引軍退而東  
魏又以土民韋默兒爲義州刺史鎮父城以通賢賢又率  
軍攻默兒擒之轉廣州刺史

南史柳元景傳朝廷大舉北侵使諸鎮各出軍二十七年  
八月誕遣尹顯祖出貲谷魯方平薛安都龐法起入盧氏  
田義仁出魯陽

北史堯雄傳西魏以是寶爲揚州刺史據項城義州刺史  
韓顯據南頓雄一日拔其二城禽顯及長史岳寶遁走加  
驃騎大將軍儀同三司仍隨侯景平魯陽

通鑑晉穆帝紀永和十二年七月桓溫自江陵北伐遣督  
護高武據魯陽輔國將軍戴施屯河上自帥大兵繼進



哀帝紀興寧三年二月燕人以左中郎將慕容筑爲洛州刺史鎮金墉吳王垂爲都督荆揚洛徐兗豫雍益涼秦十州諸軍事征南大將軍荊州牧配兵一萬鎮魯陽

海西公紀太和元年十二月南陽督護趙億據宛城降燕太守桓澹走保新野燕人遣南中郎將趙盤自魯陽戍宛太和二年五月荊州刺史桓豁竟陵太守羅崇攻宛拔之趙億走趙盤退歸魯陽豁追擊盤於雉城擒之

宋史牛臯傳杜充留守東京臯討劇賊楊進於魯山三戰三捷賊黨奔潰又與李董戰魯山鄧家橋敗之

金史移剌蒲阿傳正大九年正月癸未大軍發鄧州趨京師騎二萬步十三萬騎帥蒲察定住蒲察苔吉卜郎將按

忒木忠孝軍總領夾谷愛荅內族達魯歡總領夾谷移特  
刺提控步軍臨淄郡王張惠殄寇都尉完顏阿排高英樊  
澤中軍陳和尚與恒山公武仙楊沃衍軍合是日次五朶  
山下取鴉路北兵以三千騎尾之遂駐營待楊武楊武至  
知申裕兩州已降七日至夜議北騎明日當復襲我彼止  
騎三千而我示以弱將爲所輕當與之戰乃伏騎五千於  
鄧州道明日軍行北騎襲之如故金以萬人擁之而東伏  
發北兵南避是日雨宿竹林中庚寅頓安臯辛卯宿鴉路  
魯山河西軍已獻申裕擁老幼牛羊取鴉路金軍適備之  
奪其牛羊餉軍

緩寇總畧註洪承疇於靈寶疏請以朱大典留防江北總

兵秦翼明兵二千駐鄧州光化副將張外嘉兵二千五百  
駐南召魯山爲後勁

郵傳

河南通志魯山縣偏僻至省四百三十里

東至寶豐縣五十里

西至河南府嵩縣界一百八十里

南至南陽府南陽縣二百四十里

北至汝州一百二十里現設遞馬二匹現設馬夫一名

附店戶官驛條約

乾隆六十年十月知縣董作棟酌定刻石縣署東序文云  
魯山非驛站之衝而路通山陝商旅經由多駐宿西關客

店向來縣中需用馱騾就過客僱取或朝往暮還或往還數日行人愆期守候爲累孔多余於乾隆六十年閏二月召客店十一家商諭良法各給騾價馱鞍等共銀十五兩買騾一頭聽候差遣縣中公事需騾捱順輪流仍日給草荳工食銀三錢如僱取客騾之值其騾交該店長生餵養如有疲斃自行補換入於新舊官交代是舉也行旅不苦滯留公事集於指顧而店戶亦以通商獲利願飼官騾惟之來者勿變之耳

舖舍

天下郡國利病書魯山縣總舖在縣門外街南

東北路一舖至寶豐縣向陽舖近水舖接寶豐縣荆山舖

北路二舖至汝州王家莊舖桃花店舖接寶豐縣甘羅舖  
西南路二舖至南召縣瀼河舖恂惶店舖接南召縣扳倒  
井舖

徐志總舖在城內

新集舖東路接寶豐小店舖離城二十五里

梁家窪舖東北路接寶豐商酒務舖離城三十里

熊背舖西南路接南召縣四十里舖離城二十五里

案顧亭林云各州縣志郵舖之紀未有如汝州之詳核者  
書之爲式是顧氏所據當爲前明圖志世所罕覩今具存  
之

整堡

徐志西南路三座一在灤河街一在熊背舖一在交口街  
今移交界口

東南路一座在張良店

魯山縣志卷十五

原任山東博山縣知縣偃師武億

同纂

魯山縣知縣餘杭董作棟

水利志

周官職方氏河南曰豫州其浸波澆注浸可以爲灌溉者疏謂灌溉稻田者也

案此卽周制已引波水灌田

禹貢錐指周禮河南曰豫州其山鎮曰華山其澤藪曰圃田其川滎雒其浸波澆華山圃田滎雒皆在禹貢豫州之域唯波澆可疑鄭注云波讀爲播禹貢曰滎播旣豬

釋文播音

波春秋傳楚子除道梁澆

音側嫁反

營軍臨隨則澆宜屬荊州

在此非也今按榮卽榮澤至周而已導爲川故曰其川波則別是一水非榮播也水經泲水注云波水出霍陽西川

大嶺東谷俗謂之歇馬嶺

霍陽故縣在今汝州東南二十里霍山下

卽應劭所

謂孤山波水所出也馬融廣城頌曰浸以波澆其水南逕

蠻城下又南分三川於白亭東而俱南入澗水泲水自下

兼波水之通稱也蓋洛別百答之外又有此波水道元以

爲豫州之浸浸可以爲陂灌溉者也章懷注馬融傳云波

水出歇馬嶺在汝州魯山縣西北汝州今屬河南州西四

十里廣成澤一名黃陂周百里有灌溉之利後漢於其地

置廣成苑爲遊獵之所澤水出狼臬山東南流合溫泉水

波水自西來注之又東南合泲水入汝此卽波澆之波也



馬融精於周官其頌廣成明言浸以波澁鄭違其義非是  
禹貢之滎波自當作播職方之波澁當讀如字不可牽合  
趙氏水經注全氏曰周禮豫州其川滎洛其浸波澁康成  
師古皆不知波水所在而以滎波之波當之後人或疑其  
非而以爾雅洛出爲波之波當之不知滎洛旣爲川矣不  
應復以其支流爲浸也波水自當以出霍陽山湑入汝之  
波爲是

後漢書馬融傳廣成頌浸以波澁注水經注云波水出馱  
馬嶺卽應劭所謂孤山波水所出者今在汝州魯山西北  
文選張平子南都賦爾其川瀆則潢澧灤灑發源巖穴注  
水經曰湑水出南陽縣西堯山

其水則開竇灑流浸彼稻田

其厨膳則有華薌重秬潢臯香秔注潢臯潢水之澤也

案此卽漢時波澁二水皆引渠興灌

宋之問遊陸渾南山自歇馬嶺到樾香林詩稷稻遠彌秀  
案此歇馬嶺下卽波水據之問目驗有稷稻是在唐時波  
水所灌如此

王登魁汝州志魯山縣沙澗在城南多石蹟難引灌惟西  
南山大泉派實繁全盛時山民有蓄洩得宜者然卒無方  
圓成頃兵燹之後平原沃壤鞠爲茂草故鮮利焉

河南通志魯山縣

羊石渠在縣東自上漫流起下至康家寨東入沙河雍正

七年開

空耳陳渠在縣東上自空耳陳西南起下至曹家困入寶豐界雍正七年開

耿家集渠在縣西上自楊和尚堂起下至耿家集入黨澤河雍正七年開

尹家村渠在縣西上自尹家村南起下至黑石頭入沙河雍正七年開

官道溝在縣東大路兩旁寬四尺深四尺雍正七年開  
新開渠

鐵匠樓庄渠自庄西南引潢水入渠計一里長寬三尺灌田八十餘畝

鏡槽庄渠自庄西南引澧水入渠計一里長寬三尺灌田五十餘畝

二道河庄渠自庄西南引澧水入渠計二里長寬三尺灌田八十餘畝又一渠計二里長寬三尺灌田六十餘畝

腰庄渠自庄西北引澧水入渠計三里長寬三尺灌田一項餘

新庄渠自庄西引澧水入渠計一里長寬二尺灌田七十餘畝

二郎廟渠自廟東引澧水入渠計二里長寬三尺灌田一項餘

普照寺渠自寺西引澧水入渠計一里長寬三尺灌田六

十餘畝

小馬河庄渠自庄東引澧水入渠計百餘步長寬三尺灌田一頃三十餘畝

竈君廟渠自廟西引澧水入渠計一里長寬三尺灌田一頃餘

桃園河庄渠自庄西引澧水入渠計二里長寬五尺灌田三頃餘

趙家村渠自村北引澧水入渠計五里長寬五尺灌田三頃餘

寬步口渠自東口引澧水入渠計三里長寬五尺灌田二頃餘

牛領石庄渠自庄西引澧水入渠計一里長寬四尺灌田  
二頃餘

麥仁店渠自店北引澧水入渠計三里長寬五尺灌田六  
頃餘

玉皇廟渠自廟西引澧水入渠計四里長寬四尺灌田四  
頃餘

同濟渠自大楊樹庄引澧水入渠計四里長寬五尺灌田  
八頃餘

豐潤渠自大王廟南岸引澧水入渠計三里長寬七尺灌  
田十頃餘

豐潤渠規條附末以見渠水蓄洩之大法

金魚張庄渠自庄南引泚水入渠計十二里長寬六尺灌田兩頃餘

瓦屋西小渠引黨澤河水灌田二十餘畝

瓦屋東沙渠引黨澤河水灌田四十餘畝

明山上渠自明山庄引黨澤河入渠計二里長寬五尺灌田四頃餘

明山中渠自馬家樓北引黨澤河入渠計二里長寬五尺灌田四頃餘

明山下渠自明山口引黨澤河入渠計二里長寬五尺灌田四頃餘

龔家庄沙渠自庄北引黨澤河水入渠計一里長寬五尺

灌田三頃餘

中湯湯泉庄渠自庄北引湯泉水灌田八十餘畝

戴家坪渠自坪南引廻龍溝水入渠計里半長寬四尺灌田兩頃餘

李子峪渠自峪西南引峪中水入渠計半里長寬四尺灌田一頃餘

油房溝渠自溝西引山溝水入渠計里半長寬三尺灌田四十餘畝

大麥王庄渠自庄南引鷄水入渠計半里長寬四尺灌田一頃餘

案大麥王庄鑿渠得舊渠口連山鑿成七十餘步長非近



代人所造疑唐宋間規水利者已先爲之

栗札園渠自葉家堰庄南引牛蘭水入渠計二里長寬三尺濬田六十餘畝

附豐潤渠規五條

乾隆五十九年四月知縣董作棟酌定

一照理渠堰買渠人按十股輪流經營每股經營一年周而復始經營人每年在十股渠分內支稻穀十二石

添換佃地人戶宜由渠長與管事之人同地主妥議添換不許佃戶私自頂替

一田中使水每年另僱放水二人從上流挨下開放周而復始無論地主佃戶均不許私開水口放水卽放水人亦

宜秉公均放不得徇情放水人工飯食應在佃地家照所  
佃地畝均攤

一每年修補渠堰務必於正月十五日以前修補完繕開  
開放水至稻熟田中不需水時闔閘

一水田或於他家旱地爲隣或當道路之衝各宜修理田  
畔儻因水泛溢致有浸壞皆各由照理不愼水從誰人地  
處則惟誰佃戶是問

案渠田本近河荒瘠引水灌溉遂堪藝稻利由此興訟亦  
由此起官斯土者宜以理平之

魯山縣志卷十六

原任山東博山縣知縣偃師武 億

同纂

魯 山 縣知縣餘杭董作棟

藝文志

墨子

存

漢書藝文志墨子七十一篇

名翟爲宋大夫在孔子後

呂氏春秋慎大覽高氏注墨子名翟魯人也著書七十篇

以墨道聞也

隋書經籍志墨子十五卷目一卷

宋大夫墨翟撰

馬總意林墨子十六卷

韓昌黎集讀墨子曰儒譏墨以上同兼愛上賢明鬼

上或皆作

尚

而孔子畏大人居是邦不非其大夫春秋譏專臣不上

同哉孔子泛愛親仁以博施濟衆爲聖不兼愛哉孔子賢  
賢以四科進褒弟子疾歿世而名不稱不上賢哉孔子祭  
如在譏祭如不祭者曰我祭則受福不明鬼哉儒墨同是  
堯舜同非桀紂同修身正心以治天下國家奚不相悅如  
是哉余以爲辯生於末學各務售其師之說非二師之道  
本然也孔子必用墨子墨子必用孔子不相用不足爲孔

墨

唐書經籍志墨子十五卷

墨翟撰

新唐書藝文志墨子十五卷

墨翟撰

宋史藝文志墨子十五卷

宋墨翟撰

鄭樵通志藝文畧墨子十五卷

宋大夫墨翟撰墨翟與孔子同時漢志注在孔子後

又三卷

樂臺注唐志不載當考

馬端臨文獻通考經籍考墨子十五卷

王應麟玉海書目云墨子十五卷自親士至雜守爲六十

一篇

亡九篇

一本自親士至上同凡十三篇

晁公武郡齋讀書志墨子十五卷宋墨翟撰戰國時爲宋

大夫著書七十一篇以貴儉兼愛尊賢右鬼非命尙

簡本作上

同爲說云苟孟皆非之而韓愈獨謂辨生於末學非二師

之道本然也

尤袤遂初堂書目雜家類墨子

高似孫子略韓非子謂墨子死有相里氏之墨相芬氏之墨鄧陵氏之墨孔墨之後儒分爲八墨離爲三其爲說異矣墨子稱堯曰采椽不斲茅茨不剪稱周曰嚴父配天宗祀文王又引若保赤子厥罪惟均出於康誥泰誓篇固若依於經據於禮者孟子方排之不遺餘力蓋聞之夫子曰惡似而非者惡莠恐其亂苗也惡鄭聲恐其亂雅也惡紫恐其亂朱也惡鄉原恐其亂德也墨之爲書一切如莊周如申商如韓非惠施之徒雖不闢可也惟其言近乎僞行近乎誣使天下後世人盡信其說其害有不可勝言者是

以不可不加闢也

李巽岩曰墨子十五卷所傳本甚古然多脫誤或次第混

亂章句顛倒往往斷爛不可復讀反覆尋究稍加是正使相聯屬十厘得一二當其合處猶符節也乃知古書訛謬正坐學者弗習耳博觀深考尙庶幾識其純全云

見文獻通考

陳振孫直齋書錄解題墨子三卷宋大夫墨翟撰孟子所謂邪說誠行與楊朱同科者也韓吏部推尊孟氏而讀墨一章乃謂孔墨相爲用何哉漢志七十一篇館閣書目有十五卷六十一篇者多訛脫不相聯屬又二本止存十三篇者當是此本也方楊墨之盛獨一孟子訟言非之諄諄焉惟恐不勝今楊朱書不傳列子僅存其餘墨氏書傳於世者亦止於此孟子越百世益光明遂能上配孔氏與論語並行異端之學安能抗吾道哉

王應麟漢藝文志考證墨子七十一篇館閣書目十五卷

自親士至雜守爲七十一篇亡節用節葬明鬼非樂非儒

等九篇

一本自親士至雜守爲七十一篇所存六十一篇且多訛脫不相聯屬又一本止存一十三篇晁氏

曰荀孟皆非之而韓愈獨謂辯生於末學非二師之道本然也韓非子曰有相里氏相夫氏鄧陵氏之墨墨離爲三荀子曰墨子有於齊無見於晉魯勝注墨辯其叙曰墨

時又曰墨子蔽於用而不知文

晉魯勝注墨辯其叙曰墨

子著書作辯經以立名本惠施公孫龍祖述其學以正刑

名顯於世墨辯有上下經經各有說凡四篇與其書衆篇

連第故獨存史記云墨翟宋之大夫善守禦爲節用或曰

並孔子時或曰在其後索隱曰按別錄云墨子書有文子

文子子夏之弟子問於墨子如此則墨子在七十子之後

莊子天下篇云相里勤之弟子五侯之徒南方之墨者苦



華已齒鄧陵子之屬俱誦墨經而倍謫不同相謂別墨又云以巨子爲聖人皆願爲之尸呂氏春秋墨者有鉅子腹蘄居秦墨者鉅子孟勝善荆之陽城君孟勝曰我將屬鉅子於宋之田襄子此卽莊子所謂巨子也

錢曾讀書敏求記墨子十五卷潛溪諸子辨云墨子三卷戰國時宋大夫墨翟撰上卷七篇號曰經中卷下卷六篇號曰論共十三篇考之漢志七十一篇館閣書目則六十一篇已亡節用節葬明鬼非樂非儒等九篇今書則又亡多矣潛溪之言如此予藏宏治己未舊抄本卷篇之數恰與其言合又藏會稽鈕氏世學樓本共十五卷七十一篇內亡節用等九篇蓋所謂館閣書目本或卽此歟潛溪博

覽與籍其辨訂不肯聊且命筆而止題爲三卷豈猶未見完本歟抑此書兩行于世而未及是正歟姑識此以詢藏書家

焦竑國史經籍考墨子十五卷又三卷

樂臺注

欽定四庫全書簡明目錄墨子十五卷舊本題周墨翟撰然書中多稱子墨子則其門人所記也原本七十一篇今佚八篇其說爲孟子所闢不行於世然其書則歷代著錄列爲九流之一觀其近理亂真之處然後知儒墨異同之所以然則亦不必廢觀也

畢沅墨子叙墨子七十一篇見漢藝文志隋以來爲十五卷目一卷見隋經籍志宋亡九篇爲六十一篇見中興館

閣書目實六十三篇後又亡十篇爲五十三篇卽今本也  
本存道藏中缺宋諱字知卽宋本又三卷一本卽親士至  
上同十三篇宋王應麟陳振孫等僅見此本有樂臺注見  
鄭樵通志藝文畧今亡案通典言兵有守拒法而不引墨  
子備城門諸篇玉海云後漢書注引墨子備突篇詩正義  
引墨子備衝篇似亦未見全書疑其失墜久也今

上開四庫館求天下遺書有兩江總督採進本謹案亦與此本  
同自此本以外有明刻本其字少見皆以意改無經上下  
及備城門等篇蓋無足觀墨書傳述甚少得毋以孟子之  
言轉多古言古字先是仁和盧學士文昭陽湖孫明經星  
衍互校此書畧有端緒沅始集其成因徧覽唐宋類書古

今傳注所引正其譌謬又以知聞疏通其惑自乾隆壬寅  
八月至癸卯十月踰一歲而書成世之譏墨子以其節葬  
非儒說墨者既以節葬爲夏法特非周制儒者弗用之非  
儒則由墨氏弟子尊其師之過其稱孔子諱及諸毀詞是  
非翟之言也案他篇亦稱孔子亦稱仲尼又以爲孔子言  
亦當而不可易是翟未嘗非孔孔子之言多見論語家語  
及他緯書傳注亦無斥墨詞至孟子始云能言距楊墨者  
聖人之徒又云楊墨之道不熄孔子之道不著蓋必當時  
爲墨學者流爲橫議或類非儒篇所說孟子始嫉之故韓  
非子顯學云墨離爲三取舍相反不同而皆自謂真孔墨  
韓愈云辯生于末學各務售其師之說非二師之道本然

其知此也今惟親士修身及經上經下疑翟自著餘篇稱  
子墨子耕柱篇並稱子禽子則是門人小子記錄所聞以  
是古書不可忽也且其魯問篇曰凡入國必擇務而從事  
焉國家昏亂則語之尚賢尚同國家貧則語之節用節葬  
國家恣音湛洏則語之非樂非命國家淫僻無禮則語之  
尊天事鬼國家務奪侵陵則語之兼愛是亦通達經權不  
可訾議又其備城門諸篇皆古兵家言有實用焉書稱中  
山諸國亡於燕代胡貊之間考中山之滅在趙惠文王四  
年當周赧王二十年則翟實六國時人至周末猶存故史  
記云或曰並孔子時或曰在其後班固亦云在孔子後司  
馬貞按別錄云墨子書有文子文子子夏之弟子問於墨

子如此則墨子者在七十子後李善引抱樸子亦云孔子時人或云在王其後今按其人在七十子後若史記鄒陽傳鄒陽曰宋信子罕之計而囚墨翟司馬貞云漢書作子冉不知子冉是何人文穎曰子冉子罕也荀卿傳云墨翟孔子時人或云在孔子後又襄公二十九年左傳宋饑子罕請出粟時孔子適八歲則墨翟與子罕不得相輩或以子冉爲是不知如何也又文選亦作子冉注云文子曰子罕也冉音任善曰未詳沅亦不能定其時事又司馬遷班固以爲翟宋大夫葛洪以爲宋人者以公輸篇有爲宋守之事高誘注呂氏春秋以爲魯人則是楚魯陽漢南陽縣在魯山之陽本書多有魯陽文君問答又亟稱楚四竟非魯

衛之魯不可不察也先秦之書字少假借後乃偏旁相益  
若本書源流之字作原一又作源金以溢爲各之字作益  
一又作鑑四竟之字作竟一又作境皆傳寫者亂之非舊  
文乃若賊數百姓之爲殺字古文遂而不反合于遂亡之  
訓關叔之卽管叔實足以証聲音文字訓詁之學好古者  
幸存其舊云如其疏略以俟敏求君子乾隆四十八年歲  
在昭陽單闕涂月叙於西安節署之環香閣

孫星衍墨子後敘乾隆四十八年癸卯十二月弇山先生  
旣刊所注墨子成以星衍涉于諸子之學命作後叙星衍  
以固陋辭不獲命叙曰墨子與孔異者其學出于夏禮司  
馬遷稱其善守禦爲節用班固稱其貴儉兼愛上賢明鬼

非命上同此其所長而皆不知墨學之所出淮南王知之其作要畧訓云墨子學儒者之業受孔子之術以爲其禮煩擾而不說厚葬靡財而貧民服傷生而害事故背周道而用夏政其識過于遷固古人不虛作諸子之教或本夏或本殷故韓非著書亦載棄灰之法墨子有節用節用禹之教也孔子曰禹菲飲食惡衣服卑宮室吾無間然又曰禮與其奢寧儉又曰道千乘之國節用是孔子未嘗非之又有明鬼是致孝鬼神之義兼愛是盡力溝洫之義孟子稱墨子摩頂放踵利天下爲之而莊子稱禹親自操橐耜而九雜天下之川腓無服脰無毛沐甚風櫛甚雨列子稱禹身體偏枯手足胼胝呂不韋稱禹憂其黔首顏色黎黑



竅藏不通步不相過皆與書傳所云予弗子惟荒度土功  
三過其門而不入思天下有溺者猶已溺之同其節葬亦  
禹法也尸子稱禹之喪法死於陵者葬於陵死於澤者葬  
於澤桐棺三寸制喪三日

當爲月

見後漢書注淮南子要畧

稱禹之時天下大水死陵者葬陵死澤者葬澤故節財薄  
葬閑服生焉又齊俗稱三月之服是絕哀而迫切之性也  
高誘注云三月之服是夏后氏之禮韓非子顯學稱墨者  
之葬也冬日冬服夏日夏服桐棺三寸服喪三月而此書  
公孟篇墨子謂公孟曰子法周而未法夏也子之古非古  
也又公孟謂子墨子曰子以三年之喪爲非子之三日

當爲月

之喪亦非也云云然則三月之喪夏有是制墨始法之

矣孔子則曰吾說夏禮杞不足徵吾學周禮今用之吾從周又曰周監於二代郁郁乎文哉吾從周周之禮尚文又貴賤有法其事具周官儀禮春秋傳則與墨書節用兼愛節葬之旨甚異孔子生於周故尊周禮而不用夏制孟子亦周人而宗孔故于墨非之勢則然焉若覽其文亦辨士也親士修身經上經下及說凡六篇皆翟自著經上下畧似爾雅釋詁文而不解其意指又惟漢唐以來通人碩儒博貫諸子獨此數篇莫能引其字句以至于今傳寫譌錯更難鉤乙晉書魯勝傳云勝注墨辨存其叙曰墨子著書作辯經以立名本惠施公孫龍祖其學以正刑名顯於世孟子非墨子其辯言正詞則與墨同荀卿莊周等皆非毀

名家而不能易其論也又曰墨辯有上下經經各有說凡四篇與其書衆篇連第故獨存今引說就經各附其章疑者闕之又采諸衆雜集爲刑名二篇畧解指歸以俟君子如所云則勝曾引說就經各附其篇恨其注不傳無可徵也備城門諸篇具古兵家言惜其脫誤難讀而弇山先生于此書悉能引據傳注類書匡正其失又其古字古言通以聲音訓故之原豁然解釋是當與高誘注呂氏春秋司馬彪注莊子許君注淮南子張湛注列子並傳於世其視楊倞盧辯空疏淺畧則偶然過之時則有仁和盧學士抱經大興翁洗馬覃谿及星衍三人者不謀同時共爲其學皆折衷于先生或此書當顯幸其成帙以惠來學不覺僭

而識其末也

案漢書藝文志墨子七十一篇注云墨翟爲宋大夫在孔子後而不著其地惟呂氏春秋慎大覽高誘注墨子名翟魯人也魯卽魯陽春秋時屬楚古人于地名兩字或單舉一字是其例也

路史國名紀魯汝之魯山縣非竟地

翟見諸傳記多稱爲宋

大夫以予考之亦未盡舉其實蓋墨子居于魯陽疑嘗爲文子之臣觀魯問一篇首言吾願主君之上者尊天事鬼下者愛利百姓厚爲皮幣卑辭令函徧禮四鄰諸侯敵國而以事齊又言吾願主君之合其志功而觀焉案春秋左氏傳昭二十九年春公至自乾侯處于鄆齊侯使高張來

唁公稱王君注此公子大夫周禮太宰九兩六日主以利

得民注鄭司農主謂公卿大夫調人主友之讐注主大夫君也呂氏春秋愛士篇陽城胥渠處廣門之官夜款門而謁曰主君之臣胥渠有疾注鄭簡子晉大夫也大夫稱王者也然則翟之尊文子爲主君意其屬于文子也禮記禮運仕於家爲僕方氏曰僕者對主之稱故仕于家曰僕而大夫稱主是也翟在魯睠然知鄉邦之重始勸文子屈禮事齊繼止文子攻鄭皆反復言之冀以誠入其後文子卒能受聽故于時魯陽之民身不致重困于兵役以保恤其家室皆翟之賜也史記荀卿列傳云墨翟或曰並孔子時或曰在其後索隱按別錄云墨子書有文子文子子夏之弟子問于墨子如此則墨子者在七十子後也案外傳楚

語惠王以梁與魯陽文子注文子平王之孫司馬子期子魯陽公也惠王十年爲魯哀公十六年孔子方卒又翟本書貴義篇子墨子南遊于楚見楚獻惠王楚世家無此名是獻惠卽惠王誤衍一獻字審是翟實當楚惠王時上接孔子未卒故太史公一云並孔子時說非無據自班志專謂在孔子後後人益爲推據至如畢氏据本書稱中山諸國亡于燕代胡貊之閒以中山之滅在趙惠文王四年當周赧王二十年則翟實六國時人至周末猶存愚竊以翟旣與楚惠王接時後焉能歷一百九十餘年尙未卽化此必不然也中山諸國之亡墨之徒續記而竄入其師之說以貽此謬何可依也予故爲摭其時地始末如是以附于

篇庶覽者得以詳焉

案既爲跋後又得一証後漢書張衡傳春秋元命苞中有公輸班與墨翟事見戰國非春秋時也注衡集云班與墨翟並當子思時出仲尼後案檀弓季康子之母死公輸若方小歛請以機封注般若之族据此班與季康子同時則翟益當孔子時矣衡云在子思時非也

樊英易章句

佚

朱彛尊經義考樊氏英易章句引後漢書樊英字季齊南陽魯陽人習京氏易兼明五經七緯隱於壺山之陽安帝初徵爲博士順帝時拜五官中郎將以光祿大夫賜告歸

著易章句世名樊氏學

案潁川陳實少從英學陳颺郤巡學傳英業是英章句不  
宜遽湮考隋書經籍志此書已不入錄蓋東漢末費氏易  
興而京氏遂衰英既守其師學遭世廢棄莫由自振後乃  
日即亡逸矣學術之廢興固亦自有其時耶

延篤左氏傳注

佚

陸德明經典釋文京兆尹延篤受左氏於賈逵之孫伯升  
因而注之

余蕭客古經解鈎沉引延篤注張平子說三墳三禮禮爲  
人防爾雅曰墳大防也書曰誰能典朕三禮

宋本疏  
二十八



案篤本傳少從潁川唐蹊典受左氏傳旬日能諷誦之典  
深敬焉又論解經傳多所駁正後儒服虔等以爲折中其  
師承傳業源流可証如是惜篤左氏注久散脫今可見者  
惟此其一也

延篤集

佚

後漢書延篤傳所著詩論銘書應訊表教令凡二十篇  
隋書經籍志後漢京兆尹延篤集一卷注云梁二卷錄一  
卷

舊唐書經籍志延篤集二卷

新唐書藝文志延篤集二卷

案宋史藝文志延篤集不著錄當亡於五代衰亂之季今  
摭其本傳所載論書各一篇附列如左

仁孝前後論觀夫仁孝之辯紛然異端互引典文代取事  
據可謂篤論矣夫人二致同源總率百行非復銖兩輕重  
必定前後之數也而如欲分其大較體而名之則孝在事  
親仁施品物施物則功濟於時事親則德歸於己於己則  
事寡濟事則功多推此以言仁則遠矣然物有出微而著  
事有由隱而章近取諸身則耳有聽受之用目有察見之  
明足有致遠之勞手有飾衛之功功雖顯外本之者心也  
遠取諸物則草木之生始於萌芽終於彌蔓 枝葉扶疏榮  
華紛緜末雖繁蔚致之者根也夫仁人之有孳猶四體之

有心腹枝葉之有根本也聖人知之故曰夫孝天之經也地之義也人之行也君子務本本立而道生孝悌也者其爲人之本與然體大難備物性好偏故所施不同事少兩兼者也如必對其優劣則仁以枝葉扶疏爲大孝以心體本根爲先可無訟也或謂先孝後仁非仲尼序回參之意蓋以爲仁孝同質而生純體之者則互以爲稱虞舜顏回是也若偏而體之則各有其目公劉曾參是也夫曾閔以孝悌爲至德管仲以九合爲仁功未有論德不先回參考功不大夷吾以此而言各從其稱者也

止李文德書夫道之將廢所謂命也流聞乃欲相爲求還東觀來命雖篤所未敢當吾嘗味爽櫛梳坐於客堂朝則

誦義文之易虞夏之書慙公旦之典禮覽仲尼之春秋夕  
則消搖內階詠詩南軒百家衆氏投閒而作洋洋乎其盈  
耳也渙爛兮其溢目也紛紛欣欣兮其獨樂也當此之時  
不知天之爲蓋地之爲輿不知世之有人己之有疆也雖  
漸離擊筑傍若無人高鳳讀書不知暴雨方之於吾未足  
况也且吾自束脩已來爲人臣不陷於不忠爲人子不陷  
於不孝上交不諂下交不黷從此而歿下見先君遠祖可  
不慙赧如此而不以善止者恐如教羿射者也慎勿迷其  
本棄其生也

延篤史記音義一卷

佚

唐司馬貞史記索隱後序云太史公之書既上序軒黃中  
述戰國或得之於名山壞宅或取之以舊俗風謠故其殘  
文斷句難究詳矣然古今爲註解者絕省音義亦希始後  
漢延篤乃有音義一卷又別有音隱五卷不記作者何人  
近代鮮有二家之本

案延篤著史記音義一卷本傳未著錄隋經籍志亦不收  
入則其亡久矣故小司馬謂近代鮮有二家之本是也

### 戰國策論

佚

隋書經籍志戰國策論一卷漢京兆尹延篤撰

史記魯仲連傳裂地定封富比乎陶衛索隱延篤注戰國

策云陶陶朱公也衛衛公子荆非也王劭云魏冉封陶商君封衛

困學紀聞魯仲連書富比乎陶衛延篤注戰國策云陶朱公子荆王劭云魏冉封陶商君封衛今按商君封于商非封衛也

案索隱据延篤注戰國策宋王伯厚亦因之考漢季注戰國策者惟高氏誘不聞有延篤之注蓋篤有戰國策論引之者誤以爲注

元子

未見

顏真卿元結表墓碑銘家於武昌之樊口著自釋以見意

其畧曰少習靜於商餘山著元子一卷

新唐書元結列傳引結自釋少居商餘山著元子十篇故以元子爲稱

宋史藝文志元結元子十卷

容齋隨筆元子十卷李紱作序予家有之凡一百五篇其十四篇已見於文編餘者大抵澶漫矯亢而第八卷中所載睿方國二十國事最爲譎誕其畧云方國之僧盡身皆方其俗惡圓設有問者曰汝心圓則兩手破胸露心曰此心圓耶圓國則反是言國之僧三口三舌相乳國之僧口以下直爲一竅無手國足便於手無足國膚行如風其說頗近山海經固已不遑至云惡國之僧男長大則殺父女

長大殺母忍國之僭父母見子如臣見君無鼻之國兄弟相逢則相害觸國之僭子孫長大則殺之如此之類皆悖理害教於事無補次山中興頌與日月爭光此書雖不作可也惜哉

子畧元子曰人之毒於鄉毒於國毒於鳥獸草木不如毒其形毒其命人之媚於時媚於君媚於朋友禿縣不如媚於廐媚於室人之貪於權貪於位貪於取求聚積不如貪於道貪於閑靜人之忍於毒忍於媚忍於詐惑貪溺不如忍於貧苦忍於棄廢英哉斯言次山平生辭章奇古不蹈襲其視柳柳州又英媚唐代人惟二公而已猶有一說頌者所以美盛德之形容也如江漢諸詩所以寫宣王中



與之美者皆係之雅唐既中興而磨崖一碑乃以頌稱湯  
耶豈不能致思於此耶初結居商餘山著書其序謂天寶  
九年庚寅至十二年癸巳一萬六千五百九十五言分十  
卷是蓋有意存焉卷首有元氏家錄具紀其世次

案近坊刻傳前明歸震川彙集諸子內載元子凡九篇時  
儀時化世化心規處規出規戲規惡圓惡曲等目詞義皆  
淺近與洪容齋高似孫所錄不符疑亦附託爲之也

猗玗子三篇

佚

顏真卿元結表墓碑銘兵起逃難於猗玗洞著猗玗子三  
篇

新唐書元結列傳天下兵興逃亂入猗玗洞始稱猗玗子  
三篇

宋史藝文志猗玗子一卷

文獻通考經籍考猗玗子一卷

案猗玗之猗不從玉宋史藝文志及文獻通考並作琦誤  
也當依石本爲定此書唐著錄三篇至宋稱一卷蓋以三  
篇並合之

浪說七篇

佚

顏真卿元結表墓碑銘結將家讓濱乃自稱浪士著浪說  
七篇

漫記七篇

佚

顏真卿元結表墓碑銘結自釋云及爲郎時人以浪者亦漫爲官乎遂見呼爲漫郎著漫記七篇

元結文編

佚

李商隱集容州經畧使元結文編後序次山有文編有詩集有元子三書皆自爲之序次山見譽於弱夫蘇氏始有名見取於公浚陽公始得進士第見憎於第五琦元載故其將兵不得授作官不至達母老不得盡其養母喪不得終其哀間二十年其文危苦激切悲憂酸傷於性命之際

自占心經已下若干篇是句外曾孫遼東李暉辭收得之

聚爲元文後編次山之作其繇遠長大以自然爲祖元氣

爲根變化移易之太虛無狀大賁無色寒暑攸出鬼神有

職南斗北斗東龍西虎方嚮物色歟何從生啞鍾復鳴黃

雉變雄山相朝捧水信潮沒若大壓然不覺其興若大醉

然不覺其醒其疾怒急擊快利勁果出行萬里不見其敵

高歌酣顏入飲於朝斷章摘句如娠如生狼子豹孫競於

跳走剪除斬殘程露血脉其詳緩柔潤壓抑趨儒如以一

國賈人一笑如以萬世換人一朝重屋深宮但見其脊牽

絳長河不知其載死而更生夜而更明衣裳鐘石雅在宮

藏其正聽嚴毅不滓不濁如坐正人照彼倭者子從其翁

婦從其姑豎麾爲門懸木爲牙張蓋乘車屹不敢入將刑  
斷死帝不得赦其碎細分擘切截纖顆如墜地碎若大咽  
餘鋸取朽蠹櫟鱗出毒刺眼楚齒不見可視頤顛踣錯雜  
汙瀟傷損如在危處如在夢中其總旨會源條綱正目若  
治大國若年大熟君若堯舜人人羲皇上之視下不知有  
尊下之望上不知有篡辨頭鑿齒扶服臣僕融風彩露飄  
零委落耄老者在童齟者蕃邪人佞夫指之觸之薰薰熙  
熙不識其故吁不得盡其極也而論者徒曰次山不師孔  
氏爲非嗚呼孔子於道德仁義外有何物百千萬年聖賢  
相遇於塗中耳次山之書曰三皇用真而耻聖五帝用聖  
而耻明三王用明而耻察嗟嗟此書可以無乎孔氏固聖

矣次山安在其必師之耶

新唐書藝文志元結文編十卷

宋史藝文志元結集十卷

歐陽修集古錄唐呂誼表元結撰顧戒奢八分書今世傳元子文編亦有此文以碑考之集本首尾不完中間時時小異當以石本爲正

晁公武羣齋讀書志唐元結次山也後魏之裔天寶十二年進士復舉制科授右金吾兵曹累遷容管經畧使始在商餘山稱元子逃難入琦玗泃稱琦玗子或稱浪士漁者稱爲聲叟酒徒呼爲漫叟及官呼爲漫郎因以命其所著結性耿介有憂道閔世之意逢天寶之亂或仕或隱自謂

與世聳牙豈獨其行事而然其文辭亦如之然其辭義幽約譬古鐘磬不諧於俚耳而可尋玩在當時名出蕭李下至韓愈稱數唐之文人獨及結云

直齋書錄解題元次山集十卷唐容管經畧使河南元結次山撰蜀本但載自序江州本以李商隱所作序冠其首蜀本拾遺一卷中與頌五規二惡之屬皆在焉江本分竄十卷結自號漫叟

案晁公武謂結文辭幽約韓愈數稱之然以予覽宋歐陽氏亦云次山當開元天寶時獨作古文其筆力雄健意氣超拔不減韓之徒是元結所著爲兩君之推揚信其無間然矣

元結詩集

佚

李商隱集容州經畧使元結文集後序次山有詩集自爲之序

杜工部詩集同元使君春陵行序覽道州元使君結春陵行兼賊退後示官吏作二首志之曰當天子分憂之地效漢官良吏之目今盜賊未息知民疾苦得結輩十數公落  
落然叅錯天下爲邦伯萬物吐氣天下小安可待矣不意  
復見比興體制微婉頓挫之詞感而有詩增諸卷軸簡知  
我者不必寄元

元結篋中集



佚

直齋書錄解題篋中集一卷唐元結次山錄沈千運趙微明孟雲卿張彪元季川于逃王季友七人詩二十四首盡篋中所有次之荆公詩選盡取不遺唐中世詩高古如此今人乃專尚季末亦異矣館閣書目以爲結自作入別集類何其不審也

彭遐齡卧嵐詩草一卷

存

彭家屏跋云家卧嵐先生自叙年譜並所著詩草以遺後人卒年三十有四譜中所稱交甫公者屏之曾祖父孝先公屏祖父也曾伯祖父西園公子擅詩名於時跌宕風流

意不可一世。廵按御史摭其題詠奏誣之。俱彼逮卧嵐先生憤然率邑人士。搥使院鼓抗詞。稱其寃。並寘獄鍛煉。久乃昭釋。嗚呼。當其時流氛日熾。中原如燬。覆亡之形成矣。封疆大吏不務收攬英傑。爲念亂圖存之計。猶然掇拾支字。殄害才賢。恣旦夕之凶威。而不知已兵在其頸矣。豈不愚且悖哉。卧嵐先生與先祖父同前已卯榜。副先祖父以順治乙酉領鄉薦。己丑成進士。爲嘉興登州二府推官。而卧嵐終淪落。軻軻以死爲可悲也。屏少時嘗聞先君語。先生才行卓犖。與吾家相狷。患難之中。感嘆不置。今誦其道。詩可以想見其人矣。爰付梓人。以永其傳。猶先君之志也。乾隆三年戊午七月。謹識於保定官署。

宋足發性理粹言錄二卷

存

桑調元性理粹言錄序開封司訓宋君愚若甫臨學廨輒  
出其夙所輯性理粹言錄以教弟子而問序於予予惟宋  
五子性理之書追配論孟學庸如日月江河之經行於天  
地萬類之所資以生成者也新安施氏復取有明薛胡羅  
高四先生之粹言以類相從系諸後其條目一準近思錄  
規模大而節目詳不煩經營而成建章千門萬戶之體勢  
可謂語之詳矣君以其書浩繁窮鄉僻壤不能悉購且瓊  
林瑤圃盈目皆寶入者不知所取也乃約爲是編庶幾擇  
之精焉居恒以此教於其鄉今司訓是邦梓而行之以廣

其傳其汲汲於昌明正學不負厥職有迥異於衆者夫天下之人才出於學校學校之陶冶繇於師儒正學不明師儒之勤者亦祇以科舉時文課弟子夫科舉時文未嘗非正學之所統貫而祈禱一差苟焉富貴利達之是徇幾忘其所有事朱子有言學校之政不患法制之不立而患理義之不足以悅其心用慨然於設官之徒費廩祿思得一當職者教之理義今此條具在錄中誠千古陶冶人才之大關鍵也嗚呼義理原具於人人之心教者一實心提唱學者必蒸蒸向風翕然丕變况中州道脉承伊洛之淵源湯耿諸先生講學之流風未遠省會之學校又爲各州縣之倡吾知手是錄以鼓勵羣才振興絕學俾凡爲士子者

端其所嚮進而紬闡諸儒先之大全以力求實踐將斷至於聖賢之學不難吾於茲有厚望焉乾隆壬申七月既望書於河南之大梁書院

案近傳方志闌入當縣人詩文號爲藝文覽者厭其冗贅率置之不目今依漢書之例參以唐四庫分部於經得易章句左氏傳注史取戰國策論史記音義子列墨翟及元次山諸說集有延篤元次山詩文編蓋畧具甲乙丙丁之目山縣所輯獲此備錄亦一奇也用是以告學者俾知諸書僅有存遺亦可理端推緒不致誣於所從焉

續補

猗玗子

新唐書糾謬藝文志小說家類有元結綺玕子一卷今案

元結傳云入猗玕洞始稱猗玕子琦玕字皆從玉此乃從

大未知孰是

大昕案今本唐書玕亦從犬又朱校本云案本傳作猗玕子止玕字從玉耳

案元結墓碣作猗玕子玕不作干諸校本皆未審正

### 次山集十二卷

不定四庫全書簡目錄唐元結撰所著元子十卷文編十卷

猗玕子一卷今皆不傳此本蓋後人所掇拾也結縱跡類

古狂者然制行高潔而深抱閔時憂國之心其詩文皆寄

托遙深戛然自造韓愈以前力變排偶濃麗之習寔自結

始

### 魯山縣志卷十六終